HISTOIRE DES MEMORABLES FAITS EN 1587, PARIS. 1588.

# ExLibris \*



PROFESSOR J. S. WILL



Library of the University of Toronto Digitized by the Internet Archive in 2011 with funding from University of Toronto







### HISTOIRE

AMPLE ET TRESVE-RITABLE, CONTENANT les plus memorables faits aduenuz en l'annee 1587.

Tant en l'Armee commandee par Monsieur le Duc de Gwyse, qu'en celle des Huguenots conduite par le Duc de Bouillon, enuoyée par un Gentil-homme François à la Royne d'Angleterre,

> Reueuë, corrigee & augmentee par l'Auteur.

TROISIESME EDITION.



#### A PARIS,

Chez Guillaume Bichon, ruë S. Iacques, au Bichot.

M. D. LXXXVIII.

Auec Permission.

## HISTOTEN

TMFIR TTARMY

THE PART TARESTOR

THE PART TO THE COLUMN TO

> ប្រកុខបាលបញ្ជូនដៅ ខេត្ត ភេស្តិននធិតិក្រ ភព ភ ស៊ី៖

anticias i filto ?



#### CHANA

าง มีโดย (การสาราช (ค.ศ.) ให้เกาะ การสาราช

Asses in the

DISCOVES AMPLE ET TRES-

veritable, contenant les plus memorables faits aduenuz en l'anee mil cinq cens quatre vingts G fept, tant en l'armee commandee par Monsieur le Duc de Guyse, qu'en celle des Huguenots conduite par le Duc de Buillon: enuoyé par un gentil-homme François à la Royne d'Angleserre.



A D A M E, le fauorable & bo accueil qu'il vous pleut me faire en Angle-terre, lors que i'y suivois & servois defunct Monseigneur le Duc d'An-jou, mon maistre, & l'honneur qu'il

vous a pleu depuis me continuer, vous souuenant de mon nom, m'ont conuié & donné hardiesse de vous faire l'addresse de ce discours, par moy recueilly de ce qui est aduenu de plus digne & memorable en l'armee du Roy, comadee par Mosseur le Duc de Guyse, & celle des Huguenots François & estrangers, conduits & amenez en France par le Duc de Bouillon, en faueur du Roy de Nauarre & des Huguenots de ce Royaume: à la le-Aure duquelie me promets que vous receurez vn extreme & infiny plaisir, pour y voit autant de beaux faits d'armes & traits de guerre qui se peuuent imaginer. La bonne fortune estant tellement ioincte & vnie à la valeur & hardiesse de l'vn des Chefs de ces armées, qu'il se peut dire auec verité (cessant l'enuie & l'affectio) n'estre aduenu depuis yn bien long temps yn pareil fait d'armes en toute

la Chrestienté: tres digne ceures & coparable à la vertu & projesse des plus renomez Capitaines du passe Etafin de ne tien obmettre & auoir plus de congnoissance & certitude de tout ce qui se faisoit esdites armees; j'e trouuay moyen, lors que Mon-siène de Guyse sur à Meaux pour receuoir les comandemens de la Majesté, & le departement des forces dont on composait l'armee qui luy estoit donnee, pour l'oppoler aux estrangers, qui estoiét prests d'entrer en son Royaume, de m'introduire aucques luy, & à sa suite: d'où ie n'ay bougé infques à la fin de la tragedie. Ayant pendant ce teps là obserué toutes choses auecques tel soin & diligence que rien ne l'elt passé, insques aux conseils & deliberatios plus cachees & secrettes dont le n'aye

eu la cognoissance & intelligence.

Vovs scauez, Madame, les longueurs, trauer-ses & difficultez qui ont este apportees à la leuee estrangere, qui s'est faire en vostre saueur; celle du Roy de Nauarre & des Princes, Seigneurs & Có-munautez des villes de France Huguenotes, pour restablir l'exercice de la religion Caluiniste en ce Royaume, & du tout ruiner les Princes liguez pour la defece de la religió Catholique. Et pour ce que ie sçay combien vostre Majesté y a trauaillé & employé de ses moyens, faucurs & bonnes intelligéces le passeray legerement les pratiques qui se firet en Allemagne & Suysse, durant l'année 1 586 pour yenir à celle de quatre vingts sept, & diray, que toutes difficultée cessantes, après que l'arget sourny par vostre Majessé eut esté touché, & celluy qui auoit esté recueilly des Eglises Caluinistes de Fráce, les procurations du Roy de Nauarre, de Mon-

sieur le Prince de Condé, & desdites Eglises, portees en Allemagne, pour les obliger au payement des estrangers, portans conditions tres hautes & auantageules pour les Huguenots tant estrangers, que François, auec asseurance, que si tost qu'ils approcheroient la riuiere de Loire, la paix leur seroit offerre: & la conclusion de laquelle estoit reseruee & entierement remise par lesdites procuratios au bo plaisir de vous, Madame, la premiere, & du Cazimir, des Princes & Seigneurs Allemans, fauorisas le party des Huguenots. Les Reistres & Suisses leuez en leur faueur, commencer et tous à marcher au mois de Iuillet, qui apporta de l'estonnement tref-grand à toute la France: mais non tant comme l'on disoit, au Roy tres-Chrestien, qu'aux Princes Lorrains, qui se voyans descendre vne si grande force fur les bras, sans qu'ils fussent aucunement preparez à la receuoir, estans comme surprins & sans espoir de grand secours & faueur du costé du, Roy. Monsieur de Lorraine n'ayant pour lors seulement qu'enuiro sept à buict mille harquebuziers François commandez par de bien ieunes Capitaines & pen experimentez, & enuiron cinq cens che. uaux, la plus part de sa nation: Son Altesse ennoya incontinent en Allemagne leuer quatre mil Reistres, & en Italie querir douze cés laces Italiennes, qui vindrent mais trop tard comme vous apprendrez par la suite de ce discours. ) Il enuoya austi vers le Prince de Parme, employer sa faueur, dot il ne fut frustré, & receut promptement de douze à quinze cens lances Bourguignonnes, des ordonnances du Roy Catholique, & vn regiment de six enseignes de gens de pied VValos & Bourguinos.

commandez par le marquis de Varambon. Il seramis en son ordre le temps & heure qu'ils arriveret en Lorraine.

Le Roy ce pendat, pour aucunement rédre preuue qu'il se vouloit opposer contre ceste si grande puissance qui entroit en son Royaume, mais prin-cipalemer pour estre armé, & ne demeurer desoué de forces, manda à Monsseur de Guyse qu'il le vint trouuer à Meaux, pour aduiser aux affaires de la guerre: où aussi sa Majesté se trouueroit. De fait I'vn & l'autre s'y rendit: à sçauoir, sa Majesté dans iour du mois de Iuiller, monsieur de Guyle deux iours apres: fort petitement accompagnez. Du costé dudit sieur de Guyse, la submission fur tres humble & pleine de grande obeyssance: De celuy du Roy, la reception en apparence fut fauorable & pleine de bien-veillance : & ne fut parlé en public que de faire la guerre à bon escient, & dresser en toute diligence deux armees, l'vne pour le Roy à Gyen, & sain & Florentin: l'autre que comanderoit ledit sieur de Guyse à Chaumot en Bassigny: coposees lesdires deux armees l'vne & l'autre des copagnies d'ordonnaces de sa Majesté, porrees dans la publication des monstres, qui fut faite & publice à cet effet, selo la coustume ordinaire de ce Royaume. L'o dit, qu'entre le Roy & ledit fieur de cuyse y eut quel qs propos tendas à la paix, auec grands offres en particulier faits audit seur Duc, pour s'y laisser aller, & la consentir: Surquoy il s'excusa de pounoir rie faire luy seul, sans l'aduis & cofeil de ses parens, amis & alliez liguez auec luy, des quels il ne se pouvoit ny devoit separet So armee fut docfur Pheure dreffee & copolec en papier, par

vn estat qui luy en fut baillé. Asscauoir, de vingt cinq compagnies d'hommes d'armes des ordonaces de sa Majesté, nommes & mandees par ladite publicatio: De douze enseignes de gens de pied du regimet de S. Paul: de douze enseignes du regimet de Decluzeaux: de six de Ioannes: de six de Gyé: Et encores cinq ou six comissions baillees audit sieur Duc, pour les remplir à sa volonté, & en faire des copagnies nouvelles, pour se trouver à Chaumont en Bassigny, au vingtiesme du mois d'Aonst, soubs la conduite dudit sieur de Guyse: & par mesme moyé sut dressé vn estat assez ample pour les sinaces & ossiciers de l'armee, comme il appartenoit bien, tant à la dignité du Capitaine, qu'à la grande

charge qu'il auoit sur les bras.

Toutesfois, i'ay plusieurs fois ouy dire depuis, qu'apres que ledit sieur puc de guyse sut party d'au pres du Roy, tout ce que l'on luy auoit promis maqua, & sut tres-mal assisté, tat des forces ordonees, que des deniers qui luy auoient ainsi esté promis. Luy de sa part cognoissant la Cour & n'ignorant point la volonté de son maistre, & moins celle de ceux qui en sont plus proches & qui plus la possedent, pour ueut sagemét à ses affaires: sollicitat ses amis par lettres, pour le venir trouuer & assister, sai sant sonds d'argent tant qu'il pouvoit, soit sur son tredit, ou vendant de ses terres, comme i'ay ouy dire qu'il a fait en ce voyage pour six vingts mil escus. Et combien qu'il n'en ait receu des cosses du Roy que douze mil, ne atmoins i'ay recogneu, estat en so armee, qu'aux Capitaines, patties inopinees, officiers de l'armee, voyages, soldats blessez, espions & praticques, argent ne manquoit point,

ltat ce Prince est liberal. Il enuoya au pays bas pour leuer quelque nombre de cauallerie legere: & en retira trois ou quatre cens cheuaux legers, dont il a esté fort bien seruy tout ce voyage, qui ont sott satigué les resistres pour ce que c'estoient soldats de peine & experimentez aux guerres des pays bas, les vns Italiens, & les autres Albanois, VVallons & de Cambress, qui ont la plus part perdu leurs biens par la guerre.

Cependant que ces choses se faisoient du costé

des Carholiques, le Huguenors l'assembloient, & estoit party Monsieur de Buillon de Sedan auec enuiron trois cens cheuaux François & deux mil hommes de pied, passant legerement & à bonnes traictes la liziere de Lorraine, pour gaigner la plaine de Strasbourg: où il attendit auec ceste perite trouppe quinze iours ou plus les Reistres & les Suisses venans à la faueur des Huguenots: ceste longueur prouenant de ce qu'il se trouuoit beau-coup de difficultez parmy eux: principalement du costé des Restres. Car l'on auoit tousiours estimé, que le Cazimir marcheroit en personne, & nó sans quelque esperace qu'il cust luy mesme donce, mais comme l'on a depuis recognu, le dessein qu'il auoit de faire tober la charge & conduicte deldits Rei-ftres és mains d'un fié fauorit, effoir caule qu'il entretenoit tousiours ceste esperaceaux ages du Roy de Nauarre, susques à ce qu'il fallut marcher: Lors il l'excusa, comme il disoit, sur les grandes charges qu'il anoir sur les bras, ne pouvant abandoner l'Allemaigne en téps si brouillé:mais si rard;qu'il n'y eur plus de moyé de se pourueoir d'vinautre Prin-ce, ou grand Capitaine. Il introduist le Baron de Dothna.

Dothna, qu'il asseura tres capable, & qui se sçauoir bien acquitter de telle charge: lequel sut accepté, tant pour la necessité, que pour coplaire au Cazimir: Faute que ie treuue tresgrande, d'auoir voulu mettre en telle charge vn chet ignorant, & sans expérience de la guerre, pour en se contentant luy seul, auacer son amy, sans avoir esgardà la conse-

quence qui en est depuis suruenue.

L'ordre ainsi estably, le Baron de Dothna introduit en la charge de General des Reistres, marcha, comme firent tous les Collonnels leuez en faueur des Huguenots: Et du costé des Suisses aussi l'auança le sieur de Cleruant, auec la leuce qu'il anoit faicte de vingt mil Suisses, dont il en laissa quatre mil dans le Daulphiné, pour aller, comme l'on disoit, en Languedoc trouver le Mareschal de Motmoracy, & apres le Roy de Nauarre. Mais Dieu en disposa autrement, par ce qu'estans ces quatre mil Suisses mal conduicts, furer rencontrez par le sieur Alfonse Corse, dans les montaignes de Daulphiné; pays fort pour l'harquebuzerie, & mal commode: aux picquiers, & quec bié peu de telistance, se lailserent emporter audit Alfonse Corfe, & la plus grad part d'eux, tuez sur la place, & le reste prisonniers, & fort peu se sont saucez: a a to the state

Enuiron le vingtiesme dudit mois d'Aoust, le die sieur de Cleruane auec quinze ou seize mil Suysses se rendit sur les confins de Strasbourg, & le Baron de Dothna au mesme téps, auec huit mil Reistres: La leuce estoit de huist mil cinq cens, soubs le dit Baron de Dothna: Les Collonnels estoient, Hans: Boucq, Clotte Bernestoc, Adam Fouuerst, Domamarin, & autres, dot ie n'ay peutetenir les noms:

faisans en tout vingt & vne cornettes, qui se trouuerent audit temps ensemble en la plaine de Strasbourg,où ils eurent encores quelques difficultez entre eux, & les François, sur leurs Capitulations & payemens: mais la verité estoit, que ces estrangers, ne voyans point de Chefs qui les contentasfent, ne pouuoient prédre asseurance en vn voyage filong & perilleux, fouz la conduite (comme ils disoient) de Jeux enfans, qui estoient, Messieurs de Bouillon & de la March Neantmoins ils se laisserent tellemét emporter aux persuasions des François, par tant de belles paroles, promesses & asseurances qu'ils trouveroient le Roy de Nauarre sur leur chemin, & bien pres, auec vne puissante armee, & qu ils n'auroient affaire qu'aux Princes de la maiso de Lorraine, & la Ligue: Que le Roy treschrestie les fauoriseroit plustost, qu'il ne leur cour roit sus: Et dit-on mesmes, qu'ils en monstrerent quelques lettres, saulses neantmoins: mais bien de tres certaines & veritables de monsieur d'Espernon. Toures ces choses joinctes ensemble les firet resouldre & arrester de passer outre, & receuoir pour Chef general de toute l'armee, le Duc de Bouillo. Molieur de la March comandoir à l'auatgarde: Clernant, aux Suisses: le Baron de Dochna, aux Reistres: Guitry Marcschal de Camp: Mouy à l'Infanterie Françoise, qui estoit lors auec eux.

Monsieur de Lorraine estoit d'heure à autre bié aduerty de tout ce qui se passoit en Allemagne, & en donnoit de tres bos aduis au Roy, & à son coufin mossieur le Duc de Guyse, qui de sa part faisoit toutes ses diligences. Mais il n'apparoissoit encorres aucunes forces de celles que sa Maiesté luy a

uoit ordonnees, bien qu'il n'espargnast les courriers pour les haster: Et auoit enuoyé à Chaumont en Bassigny, lieu ordonné aux forces, dont il se deuoit seruir, pour les faire approcher à Vaucouleurs, où il aduisa estre plus comode les assembler. Et s'y trouus seulemet, enuiron le vingtdeuxielme dudit mois d'Aoust, la compagnie dudit sieur de Guyse, celles de monsseur son fils, de monsseur le Cote de Challigny, de mosseur le Cheualier d'Aumale, & de messieurs de la Chastre & d'Amblise, auec trois cens cheuaux de la garnison de Cabray, enuoyez par le sieur de Balaigny pour secours à mosseur de Guyse, & codnits par le sieur de Fontenilles. Et d'Infanterie, les Regimens de Sainct Paul & de Ioannes. Et auec ce peu de forces, sollicité d'heure à autre de monsseur de Lorraine, qui sétoit approcher les ennemis, s'achemina à Thou, & le lendemain à Nancy, qui fut le vingt-septiéme dudit mois d'Aoust,où les nouvelles vindrét, que l'armee des Huguenots marchoit & s'auaçoit pour entrer en Lorraine, par le passage de Falcebourg, qui est au delà des montaignes, vn chemin estroit, fort peuplé de bois, & assez malaisé pourvenir à Sal cebourg, premiere place de Lorraine. Et auoit esté proposé au conseil de son Altesse, quelques iours auparauant, que l'on logeroit partie de son Infanterie sur ledit passage, pour le garder, ou du moins le defendre quelque temps, à la faueur de l'assiette du lieu, & des arbres, qui auoient esté couppez du long des chemins en telle quantité, qu'apres que parautre deliberation l'on cut retiré les gens de guerre qui y estoient ordonnez, l'armee Huguenote demeura trois jours, pour coupper, syer &

Bij

ranger lesdits arbres, faire chemin, encores que le grad nombre qu'ils auoient de Suisses, & Lansque-

nets y trauaillassent tous generalement.

En ce mesme temps que les Reistres eurent passé la montaigne, les sieurs de Rosne & de la Routte, & le Baron de Soualcebourg Allemand, qui auoit deux copagnies de cheunux legers, & deux d'harquebuziers à cheual, au seruice dudit sieur Duc de Guyse, donnerent la nuict dans le logis du Collonel Boucq, qui anoit quatre Cornettes logees sur le bord des motagnes, entrant en Lorraine. Et soit que la garde dudit Boucq fust forte & roide, ou qu'il cust esté aduerry, ils le trouverent à cheual, & les receut si bié, que ledit Conte de Sonalcebourg, qui chargeoit le premier fut porté par terre, & seize ou dix-huit des siens tuez sur la place, laquelle neantmoins demeura aux affaillants, qui gaigneret en ceste charge l'une des Cornettes dudit Boucq, laquelle apportee à son Altesse, l'enuoya aussi tost au Roy, pour tesmoigner que ces forces estrangeres l'auançoient, demandat d'estre secouru; & que l'on hastait les forces qui estoient promises à mofieur de Guyse.

La Lorraine est en vn pays, qui iouistil y a long téps d'vn grad repos, & sas auoir eu guerre, depuis celle du Duc de Bourgongne, qui fut tué deuant Nacy, iusques à ceste heure: & auoir tousiours gardé vne neutralité, ayant laissé son Altesse passer par ses pays tous les estragers qui sont venus, soit pour le Roy, soit pour les Huguenots, sans empeschement aucun par ceux du pays de Lorraine: mesmes l'on dressoit estappes aux vns, & aux autres, & souraissoit le pays de viures, pour l'argét: & les habi-

tans (qui est vn bon peuple)n'en receuoient aucune incommodité. Mais ceste fois ils ont bié essayé le contraire, ayans receu & souffert les premiers efforts & bruflemens barbares de ces eftrangers. Or d'autant que Monsseur de Lorraine se doutoit bié d'estre mal traicté, à cause de la Ligue, que l'on dict qu'il fauorise, il se preparoit aussi de tous ses moyens, pour leur relister, mettant garnison dans toutes ses places, pricipalemet à celles qui se trouuoiet fur les aduenues & passages de ladite armee. Et pource que la ville de Nácy, principal siege du-dit Sieur Duc, n'estoit gueres bie fortissee, & qu'elle est d'ailleurs petite, pour y receuoir en relle necessité, tat la noblesse du pays, que les Ecclessastiques, & les plus riches des autres villes soibles, qui l'y retiroient quelques mois au parauant, on auoit commence de la croistre & l'agrandir, autant quasi comme est l'ancienne ville, mettant le faux bourg de sain à Nicolas dedans, par une fortificatio nouuelle, auec vn beau & grand fosse, & force bastions & platteformes : le tout fort bien entendu, & auec telle diligence, que ceste nouvelle ville se trouvoit en estat de defense, contre la plus grand armee & mieux artillee qui l'euft peu affaillir.

Fut tenu vn coseil à Nancy, où estoit son Altesse, monsieur le Marquis du Pont, son fils, mosieur de Guyse, Messieurs le Comte de Salme, de la Chastre, Mareschal de Camp de l'armee de Monsieur de Guyse, Bassompierre, de Sauigny, Rosne & autres, auquel conseil, come i'ay appris, il sut mis en auant ce que l'on pouvoit faire contre vne si grande armée dessa proche de Nancy, de douze à quatorze lieues du pays; n'ayant pour y resister, & fy

opposer, que les forces que l'ay cy deuant dites, & celles de Monsieur le Marquis de Hauré, arriuces le mesme iour, & du Marquis de Varambon. Et pouvoit tat du secours susdit, que des propres forces de son Altesse, & de ce qu'auoit monsseur de Guyse, y auoir en tout deux mil cinq cens cheuaux, & dix mil harquebuziers, dont l'on departit das les places que l'on resolut degarder, quatre mil harquebuziers: & les six mil de reste, furet retenus aupres de Nacy, pour estre à main de s'en seruir à toutes occasions survenantes: & mesmes à la conferuation de la place dudit Nancy, & de ceste nouuelle fortification, si les ennemis y tournoiét la teste. Et fut recognu vne tres belle assiette de place de bataille, entre la ville neufue, & vn bois, sur le costé droict, ayat à la teste une maison de plaisance de son Altesse, auec vn iardin assez grad, fossoyé de heaux & grands fossez, pleins d'eau, où l'on eust logé l'Infanterie, ne restant que bien peu de campaigne, pour venir affronter l'armee Catholique, laquelle souz la faueur d'vn tel aduantage (bien qu'inegalle, & inferieure des deux parts à celle des Huguenots)resolurent d'attendre en ce lieu l'euenement du combat.

Le vingt-neufiesme ou dernier iour dudit mois d'Aoust l'armee Huguenotte assiegea Salcebourg, premiere place de Lorraine, où il y auoit garnison de deux compagnies de son Altesse, & vn Gentil-homme du pays, qui se rendit aussi tost, sans attendre vn seul coup de Canon; dont il sur sort blasmé & mesprisé de ses soldats mesmes, cóme ie leur ay ouy dire. Ils seiournerent quelques iours audit Salcebourg, pour les commoditez

qu'ils y trouuerent, faisans prouisson de pains & farine, estans bien aduerris de l'ordre donné en Lorraine sur les fours & moulins, qui par edict du Duc bien executé, auoient esté tous rompuz sur le chemin que l'on estimoit estre brisee de ceste armee Huguenotte: Lesquels de leur costé traiterét ce pauure peuple Lorrain de toutes les cruaultez dont ils se pouuoient aduiser, pillans, saccageans & mettans à rançon tout ce qu'ils rencontroient en leur chemin: & apres le feu, en dessogeans, disans, que c'estoit pour ce que l'on rompost deuant eux les fours & moulins.

De Salcebourg ils vindrent loger à Blamont, où il y auoit aussi en garnison deux compagnies de gens de pied, & vn ieune & braue Gentil-home qui y commadoit, qui ne fit pas comme l'autre de Salcebourg: Car encores que dedans le fauxbourg les Lansquenets & l'Infanterie Françoise Huguenotte & toute l'artillerie y fussent logez, il ne l'estonna nullement, mais au contraire, leur tua plus de deux cens hommes, & garda la place, bien qu'elle ne vaille guere, les cotraignans de desloger le lendemain, à leur confusion, & à son honneur & gloire.

Ce q plus Mösseur de Lorraine craignoit, estoit qu'ils vinssent à sainct Nicolas, tresbeau & grandbourg, ie dis des plus, & qui n'a rien qui manque pour estre dit vne bonne ville, fors de murailles & la fortification, estant fort ouvert, & seulement fermé par endroits de plusieurs tours & retours qu'y fair la riviere de la Mozelle, qui estoir si bafse pour lors, que les cheuaux la pouuoient gueer par tout, & n'en auoiet q'iusques au ventre: où les

Huguenots eussent trouué commodité tres-grade, de toutes choses, tant de viures, que de plusieurs sortes de marchandises, dont il est présque autant fourny que Nancy. Son Altesse y achemina, & apres l'auoir visité, & biérecognu le logis, y logea presque toute son armee, y laissant monsieur de Guyle, pout y commander, & luy sen retourna à Nancy.

Le mesme iour, les nouvelles vindrent audit lieu de saint Nicolas, que les ennemis approchoient ce iour de bien prez Leninuille: qui est vne petite ville foible, & sans aucun rampart, & presque point de fosse, à quarre ou cinq lieues de sainct Nicolas. Touresfois il auoir resolu que l'on la garderoit, pource qu'elle couvre Nancy & fainct Nicolas, & auoit-on logé dedans deux mil harquebuziers, & pour leur commader le sieur d Ossonville, Colonnel de l'Infanterie de son Altesse, qui auoit fait vn trelbo devoit & grade diligence de fortifier celte place, autăt comme l'on pouvoit en si prompte & vigente necessité. Et pour la cosernation des maisons qui rouchoient & aboutissoient presque par tout sur la muraille, que l'on ne pouvoit abbatre, sans la ruine entiere de la ville, l'on creusa & eslargit on le fossé, tant que l'on peut, & de la terre que Hon en tiroit, fur faicte vne belle & haute Contrescarpe, auec yn Courradour bien flancqué: Et en quelques endroices des Rauellins, mesmes deuant les portes, auec resolutió de debattre, & garder le folle. & le dehors de la ville, plus que la ville melme Le Sieur de la Chastre fut depesché pour allet recognoistre ceste place, afin de juger si elle estoit en estat de se pounoir desendre, ou non pour n'y perdre" perdre les hommes mal à propos. Et l'il l'estimoit desensable, y conforter le sieur d'Ossouille, & l'asseurer de la part dudit sieur de Guise, qu'il le sécoureroit à quelque prix que ce suit, s'il aduenois qu'il sust asseure le dit d'Ossouille tellement resolu, & tout ce qui estoit là dedans, qu'ils ne demandoient rien tant que d'estre assez, & qu'il ne failloit anoir doubte de la place. Et aussi qu'il anoit recogneu partie de l'ari mee des ennemis, marchant à vne lieue de Leninquille: Ce poutoit estre enuiron le deux ou troisses me de Septembre.

Les Huguenots saisoient peu de chemin, & sea iournoient ordinairement tant qu'ils ont esté en Lorraine trois & quarre iours en vn lieu: pource que trounans les fours & moulins rompus, & tous les villages desgarnis du peuple qui suyoit deuant eux, pour les cruaultez dont ils vsoient sil falloit qu'ils battissent les bledz pour viure, qu'ils cerchassent où les saire mouldre, auce peine & danger, pource que les moulins qui n'estoient point rompus estoient, gardez de quelque ville ou chasseau, & leur dressoit-on tousiours quelques ambuscades, où ils perdoient chascun iour des hommes à bon escient: & puis il failloit boulengée eux-messes, & cuire, n'ayans ny estappes dresses, ny suitte de viures: & la pluspate d'eux ne faisoient que des gallettes entre deux cendres?

ne faisoient que des gallerres entre deux cendres?

Le cinq ou sixiesme dudit mois de Septébre la dite armee vint loger par deça Leninuille, en lieu assez escarté: dot Mosseur de Guyse estat aduerty il luy print enuie de recognoistre leur logis, & leur contenance, & donna on à l'heure in esme le Reh.

dez-vous à la Cauallerie, pour le lédemain, en vn village nomé Dameleuiere, proche des ennemis de demy lieue, Sur les huit heures du matin se trouua audit Rédez-vous le Marquis de Hauré, auec huit cens lances, quatre cens cheuaux de ceux de Monsieur de Guise, & enuiron mille harquebuziers.

Ledit Sieur Duc de Guyse laissa deça la riviere de Mozelle, du costé de saince Nicolas, toute la susdite Cauallerie & l'Infanterie aussi, & passa ladite riniere auec enuiron trois cens lances seulement & cent harquebuziers à cheual, & ietta deuant luy cinquante cheuaux de coureurs, qui trouuerent au village susdit force fourrageurs, tant Reitres que Lansqueners, dont il fut tué enuiron trente Lansquenets & quelques Reitres, & le plus grand nombre se sauna estant à cheual, donnant l'allarme bien chaude à leur Camp, qui n'estoit qu'à vne petite demie lieue de là : A sçauoir trois Cornettes de Reitres seulement, & leurs Lasquenets qui se mirent incontinent en bataille en vne place affez estroicte & mal commode, fort commandee d'vn village qu'ils auoient laissé vuide, leql estoit tout sur le bord de la riviere de Mozelle.

Mösseur de Guise demeura vne bonne heure à considerer la façon des ennemis, & leur maintien, leur ordre & forme de bataille. Ce qu'il eust continué dauantage, sans l'aduertissement qu'il eut que l'allarme estant dans le Camp, toute l'armee marchoit & luy venoit sur les bras: il se retira, sans estre suiuy. Et ay apprins que par le chemin retournant à sainct Nicolas il discoutut à quelques vns de ses Capitaines, mesmes au sieur de la Chassre (qu'il aime & estime fort, & qui estoit Ma-

reschal de Camp de son armee) vne hardie &braue entreprinse. La conception dudict Sieur Duc de Guyle estoit, qu'il auoit recognu que les ennemis par ignorance, ou autrement, auoient laissé ce village sur le bord de l'eaue, sans y loger personne, lequel estoit (comme sont tous ceux de Lorraine) basty & copose de bonnes maisons, toutes de pierre, & couvertes de thuille, & n'y ayant dans lesdits villages que deux entrees & aduenues aux deux bouts, & vne grande ruë par le milieu. Iceluy estant de ceste forme, l'on y pouuoit loger quan-tité d'harquebuziers & mousquetaires, qui eus-sent commandé iusques au milieu de la plaine, qui eust fort trauaillé ces trois Cornettes de Reitres, & les Lansquenets mesmes, y prenans leur place de bataille, comme ils auoient fait le iout precedent, & n'en auoient point d'autre. Et faut noter qu'à vne grande lieue de là, il n'y anoit perfone logé pres d'eux, & le pais estoit fort convert: Et quand bie ils eussent esté plus pres, la place n'estoit capable; que pour receuoir ce petit nombre d'Infanterie, & ces trois cornettes de Reistres. Ce qui donnoit esperance à Monsseur de Guise de les: pouuoir desfaire & emporter, auant que le secours! leur fust arriué, ou les auoir bie endommagez, sans courre grande fortune, ny danger.

La forme doc de les affaillir fut proposee telle par ledit sieur Duc de Guyse: Que le sieur de la Chastre prendroit mil ou douze cens harquebuziers, & cinq cens cheuaux, & fachessineroit au village abandonné, & passeroit la rivière pour y entrer à gué, vis à vis dudit village: l'Infanterie eust peu auoit de l'eaue insques pres de la ceinture, mais

lors il ne faisoit point encores froid. Il falloit auat le iour gagner ledit village; & loger l'harquebuzerie aux aduenues aduantageusement, comme le moyen & la commodité y estoit assez belle. Le iour l'esclaircissant, Monsieur de Guise le fust presenté, & cust enuoyé donner vne chaude alarme à ces Lansqueners & Reistres logez ensemble, qui n'eussent pas failly de vouloir gagner la place de bataille, comme le jour precedent, & l'harquebuzerie, & les moulqueraires estans bien preparez, & appostez dedas ledit village cussent eu belle butte, & sans doubte fait vn grand meurtre. Le sieur de la Chastren cust pas failly quecles cinq cens cheuaux qu'il auoit, de charger ceste trouppe engagee loing du reste de leur armee, comme aussi eust tait Monsieur de Guyse de son cotte: Et croy certainement, que sils ne fussent deslogez le lendemain, comme ils firent, l'entreprise eust succedé aux entreprencurs heureusemet, lesquels en tout cas se pouuoient sans danger retirer à sainct Nicolas, ou à Leninuille tousiours par les bois. Ce fut la premiere fois que les Catholiques virent en gros les Hugnenots, & eut ledit foor Duc de Guyle extreme. regret, quand il sceut le deslogement des ennemis, qui luy fit perdre vne fi belle occasion.

A ce deslogement, les Huguenots releuerent les Catholiques du soing qu'ils auoient de S. Nicolas, monttrans par le chemin qu'ils prirét auoir autre dessein tournas le flanc audit lieu de sain & Nicolas, & à Nancy, & s'allans loger à Charmes, & à Bayon, deux petites vissettes. Il pleut deux ou troisiours, qui retarda le chemiu de ceste grade armée, chargee d'yn corps pesant, & d'artillerie, outre les

autres incommoditez qu'ils auoiet pour viure : Et dressans leur teste droict au Comté de Vaudemot, il fut aussi resolu au camp des Catholiques qu'ils changeroient de place, & ioignans toutes leurs forces ensemble, se mettroient en corps d'armee : Ce qui ne l'estoit encores fait, pour l'inegalité des forces: Mais pour tenir les ennemis plus serrez, & empescher autant comme l'on pouvoit les saccagements & bruslemens qu'ils faisoient en la Lorraine, son Altesse se trouveroit en ladite armee; pour la commander, & Monsieur de Guyse meneroit

l'auantgarde.

Le treize ou quatorzielme dudit mois de Septébre, le Sieur de la Chastre, Mareschal de Camp, fut enuoyé deuat au Pont sainct Vincent, y faire le logis de l'armee : l'assiette dudit lieu est telle : C'est vn assez gros bourg, iecté le long d'vne coste de montagne, demeurant ladite montagne superieure dudit bourg, qui est fermé en quelques endroits demurailles, & en la pluspart que de hayes viues, & du costé d'embas de la riviere de Mozelle. (sur le bord de laquelle y a commencement d'vn Chasteau, qui appartient à Monsseur de Mercure) les'aduenues en sont fort estroites, principalement du costé que venoient les ennemis, & où l'on pouuoit prendre la place de bataille. Estant ladicte place serree des rivieres de Mozelle & de Modon, qui entre dans ladite Mozelleà cinq cens pas du Chasteau susdit, & du costé droit vn costau roide planté de vignes & de fortes hayes : & tout sur le haut, ce sont gras bois bien espais, qui durent iusques à Thou. Le terroir est tres-gras, mesmes lors qu'il auoit pleu trois ou quatre iours, qui auoit yn.

peu ensiéles riuieres; mais non tant comme l'ont estimoit, & comme asseuroient ceux du pays, & mesmes que la diteriuiere de Modonne se pour roit plus gueer: neantmoins par experience il se trouua le contraire.

Le quinziesme dudit mois de Septembre toutes les forces Catholiques (come on auoit resolu) marcherent pour se rendre au Pont sainct Vincent, & y loger en corps d'armee. Monsieur de Guyse y arriua sur les sept heures du matin, & sans y seiourner, accompaigné seulemet du Sieur de la Chastre, des Sieurs de Bassompierre & d'Vnes, & trois ou quatre autres, voulut aller recognoistre vn logis pour son auantgarde, & quelque belle & aduantageuse place de bataille, pour à la saueur de ceste tiuiere de modon(que l'on luy auoir donné à entédre n'eftre aucunement gueable) approcher les ennemis. Ne trouuat nul lieu commode és enuirons du Pot fainct Vincent, il marcha plus auant, & donna iufques au logis de ses cheuaux legers, enniron vnelieuë & demye, ou deux dudit Pont sainct Vincet, fur ladire riuiere de Modon, en deux bons & gros villages, proches l'vn de l'autre, qui auoient des ponts de pierre. Le plus aduancé (ce me semble) l'appelloit Pelligny, où estoit le sieur de Rosne & les trouppes qu'il commandoit: Et en l'autre le Baron de Soualcembourg. Ledit sieur de Guyse les trouua les vns & les autres montans à cheual, ayans l'allarme, non sans occasion, car la teste de l'armee Huguenore marchoit à mil pas de leurs logis, tirant à Atons, maison dudit Sieur de Bassompierre. Monsieur de Guyse voulut veoir leur cote nace, encore qu'il n'enstaucc luy que ceux que i'ay? nommez cy deuat, sans armes, motez sur des courtaux: Et pour ce faire passa le pont & le village, sur les ennemis, & vit marcher deux Cornettes de Reistres, qu'il n'eut loisir de beaucoup cosiderer; Car ils tourneret aussi tost la teste vers lui, qui se re tirát, repassa ledit pot, & fut suiuy des Reistres assés incossiderémet, & sans bié recognoistre le village, ny mesmes le pot, passerét gaillardemet l'vn &l'autre, prenas glques bagages des plus paresseux à partir.Ledit sieur Duc les voyoit venir à luy de dessus la reste d'yn costau, où il s'estoit arresté, & aux enuiros de luy ses cheuaux legers qui pouuoient estre quelqs trois ces laces, & cent harquebuziers à cheual: les Reistres aussi se fermerent sur le bord d'vn faux ruisseau assez bourbeux, enuiron à cinq cens pas des Catholiques, & se considererent ces deux trouppes ennemies quelque temps, les vns pésans estre suyuis, les autres le craignans: ce que non, & recognu par les Catholiques, мопsieur de Guyse se resolut de leur faire faire vne charge: & de faiet le commandement en fut doné aux Sieurs de Rosne, & dela Routte, qui l'esbranlans pour y aller, les Reistres recognuret combien ils s'estoient aduancez inconsiderément,&trop engagez,& pourucurent à leur seureté, par vne retraire, qu'ils firet si diligemment, tátost au trot, puis au galop, qu'auant que l'on se peust messer parmy eux, ils eurent repassé le pont & village, & gaigné bien auant dans la plaine à la teste de leur Armee, où ils s'arresterent,& firent ferme, voyas leur armee marcher, & l'anancer vers eux, comme à la verité tout vint à la file. Trois cens cheuaux François faisoiet la teste, & quelques cent, ou six vingt harquebuziers à cheual, lesquels ioincts à ces deux Cornettes de Reistres, & encores trois autres, ramenerent bien viste les cheuaux legers qui leur auoient donné la chasse.

Du haut de la colline, où estoit demeuré Monsieur de Guyse, il voyoit clairement marcher l'armee ennemie, & la retraite des siens, auec apparence qu'ils ne se demesseroient pas ay sément: Et estoit conseillé de tous ceux qui estoient auec luy de sé retirer, n'ayat forces bastantes pour recueillir ces cheuaux legers, ny mesmes pour soustenir vn si grand faix, n'estant point armé, & mal monté, en danger de se perdre, loing de deux lieues de son armee, demeuree sans chefs, ny commandement : qu'il verroit plustost l'ennemy sur ses bras, prest à la charger, que d'auoir receu le comandement de se mettre en ordonnance. A toutes ces remonstraces, il fit lors response d'vn tres-braue guerrier,& pleine de hardiesse: le sçay, dir-il (addressant sa parole à Monsieur de la Chastre) & recognois en quels termes sot noz affaires, à quoi il se peut pour uoir par prudence & hardiesse: le feray vn traict, que l'ay en la fantasse: Ie prens la charge de faire ceste retraicte, & vous allez donner ordre à l'armee, & retirez noz forces ensemble dans ce destroict du Pont à saince Vincent, & les ordonnez pour me receuoir, & l'ennemy aussi, s'il nous suit iusques-là,

Il faut noter, que comme c'est la coustume, principalement des François; plus que de nulle autre motion, de s'auancer tousiours sans commandemét & à la desbadade, qui sur vn bidet, qui sans armes, il s'en trouua lors assez, qui cuiderent apporter de

la confusion

la confusion & du desordre : Et à la verité sans la presence de Monsieur de Guyse, il y en cust eu à bon escient. Mais ce Prince n'est pas moins heureux, que valeureux, auec telle amour & affection parmy les siens, que se presentant à la teste de ses cheuaux legers, l'espee en la main, en pourpoint, fur vn courtault, parlant aux vns Italien, aux autres Allemant, & aux autres François, nommant & appellant les Capitaines, qu'il congnoissoit parleur nom, les enhortat de ne s'estonner point, & de croire qu'il les conserueroit, ou qu'il se perdroit quec eux, & qu'ils feissent seulement ce qu'il leur diroit. Sa presence & son authorité eut tant de pouvoir sur toute ceste trouppe, que chascun demeura ferme, sans crainte de danger & attentifs à ses commandemens, se serrans aupres de luy sur le hault d'vn costau, faisans teste à l'armee ennemye, qui passoit à la file sur ce pont de Pelligny, firent parleur bonne mine & contenance tenir bride aux plus aduancez, insques à ce qu'il fist sa retraicte, poussé par vn gros hot de sept Cornetes de Reitres qui marchoient furieusement, & deuat eux trois ces cheuaux Frzçois, & six ou sept vingts harquebuziers à cheual, qui commançoient à móter la colline, qui estoit si roide qu'vn cheual qui l'eust motec au trot, se fust mis hors d'halaine: Qui donna temps & loisir audit Sieur Ducd'effectuer ce traict dont il auoit parlé, se retirant enuiron dix ou douze pas en arriere; les ennemis perdans la veue de luy, & prenat téps à propos il tourna tout coutt fur la main gauche, à la droite des ennemis, & gaigna par vn petit vallon vn gué de la riuiere de Modon, où il y auoit vn moulin, & passa ladite

riniere sur le costé d'où venoit & marchoit l'armee des Huguenots, s'estant toute leur Cauallerie tellement auancee pour venir à l'allarme & secours des premiers, qu'il ne restoit à ceste queuë que des Suisses, qui ne le pouuoient, ny arrester, ny surve, ny offenser: Et coulant le long de la riuiere, se mit au pas à faire sa retraitte à son aise, repassant vers les siens à vn gué, à cinq ces pas de sa place de bataille. Les Huguenots ayans gaigné le haut de la colline, d'où estoit party le Sieur de Guyse, & voyans ceste cauallerie si pres de leurs Suysses, delà la riniere d'où ils venoiet, ne se pouuoiet de prime face imaginer que ce fussent autres que des leurs : neantmains, la chose bien recognue, ils se mirent à les poursuyure: mais arrivans au gué où auoit passé ledit sieur Duc, il s'y trouva dix ou douze harquebuziers du Sieur de la Chastre, qu'il auoit mis dans vn moulin, qui seruirent grandement, le debattant & gardant aucc telle resolution & opiniatreté, qu'ayans tué quelques hommes qui s'aduanturerent d'essayer de passer les premiers, les autres tindrent bride, attendans leurs harquebuziers, lesquels mettans pied à terre, forcent ledit moulin, prindrent, ou tuerent tout ce qui estoit dedans, & y moururent ces braues soldats honorablement, vendas bien leur vie & cheremet à leurs ennemis, faisans vn grand seruice, donans loisir par leur perte audit sieur de Guyse, de gagner plus de chemin: & se rendit sans aller plus viste que le pas , à la place de bataille de son armee, qui estoit rengee en ce lieu estroit, que ie vous ay figuré cy dessus, entre les vignes & la riuiere de Modon, ayant le logis du Pont sainct Vincer à doz. Toutes les forces de l'armee Carholique n'estoient encores arriuees alors, qui pouuoit estre sur le midy: Il paressoit seulement la trouppe du Marquis de Hauré, de douze cens cheuaux, en vn haut, qui auoit tres-belle motre & surieuse, ayans rous lances & grandes banderolles, qu'il faisoit tres-bon voir.

Reste à vous representer que deuint le Sieur de la Chastre ce pendant, qui estoit party d'auec son General par son commandement, afin de faire tenir prestes & acheminer les Compagnies d'ordonances du Roy, qui estoiet en nombre de cinq ou six, lesquelles il rencontra à demie lieue d'où il auoit laissé Monsieur de Guyse, qui pouuoient faire trois à quatre cens lances, auecques lesquelles se voulant aduancer pour retourner trouuer ledit Sieur Duc, il apprit par aucuns de ceux qui se retiroient, & vitaussi tost à l'œil, comme il estoit de l'autre costé de la rinjere, faisant sa retraicte : luy aussi fit la sienne par la plaine, marchant comme Monsieur de Guyle, la riuiere entre eux deux, & re-ceut au passage du gué sus sieur Duc au mesme téps & heure qu'il y arriua: Et à cet cinqua-te ou deux cent pas, das vne belle prairie, ces deux trouppes ioinctes ensemble d'environ quatre cés lances d'ordonnances, trois cens de cheuaux legers, se placent en bon ordre, & en plusieurs trouppes, laissans le gué libre, & ceste espace aux Huguenots, si l'enuie les prenoit de se hazarder au passage. Ce qu'ils ne firent pour l'heure, & les plus auancez, qui auoient suiuy Monsieur de Guyle, & veu le passage du gué, demourerent fermes, attendans le reste de leur Armee, qui suiuoit à la file le plus diligeniment qu'elle pouvoir. Sur les trois à quatre

D ij

heures apres midy quelques trouppes de Cauallerie des Huguenots, & enuiron cinq cens harquebuziers Fraçois donnerent, assçauoir la Cauallerie iusques das le gué, & leur Infanterie iusques sur le bord de la riuiere, où ilz furent bien receuz par le Sieur de Sainct Paul, Maistre de Camp de l'Infanterie Catholique, auec trois cens harquebuziers: lequel l'auaça dans le pré, sans chose aucune qui le counrist, & fit quitter aux Hugnenots tout ce qu'ils tenoient delà l'eauë à la portee des Mousquets. La mesme chose se téta encores depuis, par trois ou quatre fois, iusques à la nuict, sans que ce iour là il passast vn seul des Huguenots sur les Catholiqs: & chacun se logea pour ceste nuict là au mesme lieus les Huguenors dans deux villages, qui se trouneret fort comodes, & proches l'vn de l'autre: lés Catholiqs en leur mesme place de bataille le long des hayes, & soubs des noyers, tirans leurs viures du Pot Sainct Vincet, gardas le mesme ordre qui leur auoit esté ordoné le iour. Chacun fit bonegarde ceste nuict là, la riviere servat de barriere entre ces deux armees, & les sentinelles pofees de part & d'autre sur le bord du gué.

Il sur mis en deliberation entre les chess Catholiques ce que l'on auroit à saire le lendemain, & si l'on hazarderoit le combat au passage de ceste riuiere de Modon, qui se pouvoit gucer & passer sur des ponts en plusieurs lieux, hors la veue des Catholiques, & qu'ils ne pouvoient empescher: tous tomberent à ceste opinion, que l'armée Catholique estant sans comparaison beaucoup moindre que ceste des Huguenots, n'estant sorcee par aucune necessité, attendant d'heure à autre vn bon

& grand renfort, que l'on ne debuoit hazarder le combat, & aussi peu se presenter le lendemain à la defence de ce gué, comme le jour precedent: Pour ce que le costau, du costé des ennemis comandoit en Cauallier sur la place de bataille des Catholiques, dont ils les deslogeroient & mettroient en desordre auec leur Artillerie, come ils cussent fait des ce iour mesme, si elle eust peu arriuer à téps: Ét pour eniter ces dangers, l'on retiroit la Cauallerie hors de ceste prairie, laissant seulemet l'Infanterie logee si fortement dans des hayes, chemins creux, rochers & vignes qu'il estoit impossible qu'elle peust courre aucune mauuaise fortune: Et quand les Huguenotz temerairement se hazarderoient de s'y attaquer, ce seroit auec leur honte & confusion,& vuc extreme perte des leurs,&peu des Ca-tholiques, lesquels se pourroient au plus fort du combat retirer, quand ils le voudroient faire, à la faueur du bois, qui les conduisoit iusques dans la forests de Thou, grande & profonde: & fut ceste opinion suyuie de tous: les bagages, & personnes inutiles au combat commandez de se retiter à Thou. dés la nuict mesme.

Les gardes furent soigneusement visitees ceste nuict par les Chess Catholiques: & croy que les Huguenots n'en firent pas moins, n'estant iamais ce gué despourueu: Car aussi tost que d'vne part ou d'autre quelque cheual entroit dedans l'eaue, aussi tost l'allarme au corps de garde, dont les vns & les autres s'entendoient facilement parler: Et se

passa la nuict en ceste façon,

Le iour venu Monsieur de Guyse en personne se presenta le premier sur le gué, visitant les gardes à

Du

7 1

vn moulin, où il y auoit enuiron quarante harque. buziers des siens logez, pour le garder. Les Huguenots auoient retiré leurs sentinelles sur le haut de la colline, & ne paroissoient que trois ou quatre cheuaux laissez en vedete, pour voir ce que feroiet les Catholiques, lesquels ne voyans que ces trois ou quatre cheuaux, & sans entedre aucun bruit du Camp des ennemis, & voulans en estre mieux esclaircis, firent passer huict ou dix cheuaux le gué, qui n'eurent pas fait deux cens pas au delà, qu'incotinét il ne se presenta à eux vne Cornette rouge, accompagnee de cinquante ou soixante cheuaux, qui les ramena bié viste: Et dés ceste heure là l'escar mouche l'attaqua, la riuiere entre-deux, & par la chausse de ce moulin, des harquebusiers Catholiques passoient & se hazardoient d'aller tirer bien auat dans la plaine, aucc toutes fois peu d'effect: & demeureret les Huguenots iusques sur les sept ou huict heures, sans se mostrer en gros ( & come l'on a sceu) vouloient donner loisir & commodité aux Catholiques de se mettre, come le jour precedent, en bataille dans ceste prairie, à la desense du gué, dont apres ils les eussent aisément deslogez, & mis en desordre auec leur artillerie: mais la chose auoit esté bien preueue, & l'ordre donné (comme vous auez veu)pour ne tomber à l'inconuenient que desiroient les Huguenots.

C'estoit le huict ou neusiesme de Septébre, jour beau & clair, en la saison de l'Autonne, que Monsieur de Lorraine, le Marquis de Hauré, la Cauallerie de son Alresse, & la pluspart de celle de Monsieur de Guyse, estoient sur le haut de la motagne, non pour combatre, car le lieu estoit inaccessible, mais pour voir le passetemps. Monsieur de Guyse estoit demeuré dans la prairie auec partie de la cauallerie legere, quelques Seigneurs, & Gétils-holmes volontaires, iusques à trois ou quatre ces cheuaux, en trois ou quatre trouppes, faisans bonne mine, & en la mesme place du iour precedent, l'Infanterie toute logee le log du coustau dedás les viennes haves & chemine, craux par alus autres par le la mesme place du iour precedent, l'Infanterie toute logee le log du coustau dedás les viennes haves & chemine, craux par alus autres par le la mesme par le la mesme par le la mesme de la mesme par le la mesme de la mes gnes, hayes & chemins creux par plusieurs troup-pes separees, se soustenans & fauorisans les vns les autres; ayant esté resolu de ne rien garder de pied ferme, mais en se retirant pied à pied le long de la coste, faire beaucoup de mal & dommage aux Huguenots; s'ils eussent entrepris les y assaillir. Sur les neuf heures du matin l'on commença à veoir paroistre les Huguenots en gros, leur Cauallerie Françoise la premiere, en front de leur armee, suy-uie de trois cornettes de Reistres, & trois-autres gros esquadrons de Reistres, de chacun six cornettes, tout celà au cul de leur Cauallerie Françoise: Puis apres parurent dix-huict ou vingt enseignes d'Infanterie (commandees par mouy & Ville neufue) pietres & assez mauuais soldats: Apres vn bataillon de Lansquenets, qui paroissoit de cinq à six mil hommes: deux bataillons de Suisses, qui anoiet monstre de six à sept mil hommes chacun, garnis de forces picques, qui les rendoit plus furieux: Ils se meritent tous en ordonnance & place de bataille, dans vne belle & grande plaine, entre le village où ils auoient logé & la riuiere de Modon, marchans en file douze à douze pour venir au gué trainnans à la teste des Suisses douze ou quatorze petites pieces, comme Fauconeaux : lesquelles defcouuertes par les Catholiques, & que le dessein

de leurs ennemis estoit de passer la riuiere, suiuant la resolution prise, de ne les attendre, ny defendre le passaige: monsieur de Guyse sit retirer la plus grande part de sa Cauallerie, l'approchat plus pres du costan où estoit son Infanterie, en passant vn faux ruisseau, dont les passages n'estoient pas par tout bie faciles: Et luy demeura encore sur le bord du gué auec environ cent cheuaux, voulát voir les ennemis de plus pres: lesquels à la retraite de ceste capallerie ne douterent plus que ce passage ne leur demeurast libre, & sans plus marchander donnerent partie par le gué, partie par le moulin, qui fur forcé, & environ quarate soldats Catholiques prins, ou tuez dedans, lesquels se defendirent tresbien, y ayant receu Mouy, vne harquebuzade à la cuisse, dont il fut fort blesse, parine

La Cauallerie & Infanterie Françoise des Huguenors passerer les premiers la riniere de Modo, suyuis de trois Cornettes de Reistres, prenans dans le pré leur place de bataille, laissas espace suffisante derriere eux pour ceux qui suyuoient : Monsieur de Guyse qui sestoit retiré à la faueur de son Infaterie, & mis le faux ruisseau entre les ennemis & luy, eut quelque volonté de combatre ce qui e-Rois passe, & le mit en deliberation auec son Altesse & les capitaines de l'armee Catholique. Surquoy il fut debatu, & remonstré que l'on avoir pris vne resolution toute contraire: que la Cauallerie, qui estoit sur le haut de la montaigne ne pouvoit descendre qu'à la file, & par yn seul chemin mal-aisé, & aussi long à faire que celuy des ennemis qui e-Roient encores delà l'eaue: Ioinct qu'il falloit pafseripput aller à eux , le faux ruisseau, au delà duquel

que l'ennemy auoit gagné la place de bataille, & les attendoient de pied termes Et furent ces raisons si fortes, & les difficultez trouuees telles, qu'à son grand regret il fallut qu'il se contentast de veoit le reste de ceste grande armee passer ( comme ils firent) pour se conduire consecutiuement l'vn a-pres l'autre en l'ordre susdit: Les premiers passez s'auançãs pour faire place aux autres: & quat tout eut passé l'eau, ils se rangerent en la mesme ordonnance, le front & la teste tournez vers les Catholiques, faisans auancer leurs gens de pied François & Lansquenets, iusques sur le bord du faux ruis seau: Et sembloit lors qu'ils vinsent resoluz de donner à bon escient, & le passer : Car tout suyuoit, les gens de pied trainnans les picques, l'artillerie de front, la bouche au deuant, & les trompetres faisant forces fanfares. Ayans en ceste forme marché vn traict d'arc, & voyans que du costé des Catholiques rien ne bransloit, ils s'arresterent sur le bord dudit saux ruisseau, & y ayans trainné leur artillerie, en tirerent pluseurs vollees san's mil effect, ny blesseure d'vn seul homme: comme aussi il ne se fit aucune escarmouche, que quelques harquebuzades, qui furent tirees de bien loing; dont il y cut des cheuaux blessez d'vne part & d'autre. Et ayans demeuré quelques heures en parade, les vns deuant les autres, les Huguenots se mirent à faire leur retraicte les derniers, repassans la riviere, comme ils estoier venus, se logeans en leur mesme logis:les Carholiques aussi firent leur retraicte, repassans la Mozelle, & se logeans sur le bord de l'autre costé à Chailligny, & autres villages plus proches, Après que chaeun fut hors du danger, (comme

c'est la coustume) i'entendis discourir, à mon ayse, autant les ignoras, comme les Capitaines, des fautes recongnues en ces deux iours, & faites par les Chefs des deux parties, & ce que les vns & les autres pouvoient faire de mieux. L'on disoit que mosieur de Guyse, pour vne curiosité trop grande, de youloir luy meline voir & faire ce que eust peu vn moindre que luy, auoit hazardé sa personne trop librement:mais ausli, comme il sit celà, sans le bien considerer, il l'auoit valeureusement reparé, tant par sa hardiesse, que par son bon sens, garantissant la Cauallerie legere par ceste ruse de guerre, qu'il fit tepassant l'eau du costé des ennemis, qui ne s'y attendoient, ny ne l'eussent pensé, & auant qu'ils l'eussent recongneu, ledit sieur ouc de Guyse auoit gagné tel aduantage de chemin, qu'il n'y eut plus ordre de le rejoindre, ny de luy mal faire. La perte qu'il fit d'yne vingraine d'hômes à ce moulin,ou aillieurs de quelques vns mal motez, ou peu obeilsans, luy tourna à gloire: Car ceux qui font professió des armes, & qui les ont lóguemet praticquees, iugent qu'vne retraicte honorable, & mesmes à la reste d'une armee, est plus digne & louable que tons autres actes de guerre. L'autre beau traict des Catholiques est, qu'ils conurirent le desordre qui pouvoit estre parmy eux,n'ayas leurs forces assemblees, ny preparees au combat, par leur bonne mine & asseurance à garder le premier iour le passage du gué, & à s'y opiniastrer. Au contraire les Huguenots vserét tres-mal de l'occasion: Car estás de beaucoup plus forts, comme ils estoient; ne se deuoient amuser à attendre le plus pesant de leur armee, par ce que laissans leurs Suysses & leur artillerie, & marchans auec leur Cauallerie, Infanterie Françoise, Lansquenets & partie de leurs Reistres, sans s'arrester au gué, que desendoient les Catholiques, voyans qu'il y en auoit plusieurs aus tres, & mesmes deux fort beaux ponts, dont nous auons parlé, desquels ils se pouvoient servir, venas par la plaine droit aux Catholiques: Il est à croire qu'ils les cussent contraints & obligez au combat. auec grand desauantage, ou à se retirer honteuse ment, perdans leur logis & leurs bagages, estans pour certain en mauuais ordre, pour ceste inopis nec & moins attenduërencontre: à quoy seruoit bié encore l'assierre du lieu, parce qu'il salloit passer la Mozelle à gué, puis toute leur armee, par vue. ruë bien estroite, dans le port à sainct Vincet, pour venir à la place de bataille, fort contraincte (comme elle a esté representee) qui empeschoir que l'o nese pounoit mettre en ordonnance: & se trouuoiét encores se retirant leurs bagages pesse-messe en tres-grand desordre. Ils entendirer & pratiquerent lors fort mal ce qui est du deuoir d'vne armee plus forte, & qui entre dedans vn pays, pour conquerir, laquelle doit toussours chercher le cobat; Et celle qui est pour la desense du pays, nele doit receuoir, quand mesme elle seroit esgale en forces que par cotraincte, necessité, ou aduantage, qui luy promette la victoire.

Les Huguenots trouuerent en ce logis là vn trefgrand refraischissemét, & dont ils auoiet besoing, pour auoir eu grand defaut de viures, à cause de la rupture des sours & moulins: Ce qui n'estoit en ceste contree, pour n'estre leur brisee, & où aussi ils surent atrirez accidentalement. Se trouuans

docques logez commodément, ils se refraischirét trois ou quatre iours, pendant l'vn desquels, le sieur de la Chastre, qui estoit demeuré logé dans le ponts saince Vincent à demye lieue des ennemis, auec sa compagnie d'hommes d'armes & cinq ou fix cens harquebuziers, sceut comme en deux villa-ges qui se touchent presque, l'vn nommé Maisiers, où il y auoit vn Chasteau appartenant au Chapitre de Thou, qui s'estoit trouué rellement remply de toutes sortes de viures, & mesmes de vin, que les nuguenots y venoiét à trouppes, & à la foule pour y foutraget: Il entreprit d'y aller, & de faict partir le lendemain, auec cinquante bons cheuaux seule-ment, & trente harquebuziers à cheual, & trouua ces deux villages si pleins de Suisses, Lansquenets & Reistres, la plus par yures, qu'ils n'eurent pas grande peine à en tuer ce qu'ils voulurent, à quoy ils ne s'espargnoient pas, & en amenerent infinis prisonniers, & melmes haidt ou dix Reistres, qui furent les premiers que ie veis pris en ceste armee. Mais celà la friandise du vin faisant oublier le mal suruenu,& le danger present)n'empescha pas que le lendemain ils ne recournassent en plus grand nobre & aucc bonne & forte escorte: dont ledit fieur de la Chastre aduertit Mosseur de Guyse, qui estoit à deux lieues de là. Lequel incontinent monta à cheual en personne, pour auoir sa part du plaisir, amenant auec luy mil harquebusiers du Regiment de fain & Paul, & deux cens cheuaux, marchant par) les bois, qui donnoient iusques au bord dudit village! mais il y arriua si tard, que tous les fourra-geurs & l'escorte s'estoient retirez, hormis quelques yurognes trouuez encores dans les máilons,

qui furet tuez. L'on voyoit de dessus la coste toute la plaine & le logis des ennemis, & mesmes deux moulins affez proches du pont sainct Vincent, qui estoient frequentez de force meulans,& y auoit en chacun moulin cent ou six vingts harquebuziers pour la seureré, tant des moulins, que des meulans: Ledit Sieur Duc se resolut à les faire forcer, bien qu'ils fussent proches, & en veuë de tous les villages où estoiet logez les nuguenots: mais aussi la re traicte estoit courte & fauorable aux Catholigs. Sainct Paul auec sa trouppe eut comandement d'y donner:ce qu'il fit sans marchander, & de telle furie, que les gardes de ces moulins l'en estonneret si fort qu'ils se ietteret incontinent dans l'eauë, sans rendre que bien peu de combat: & fut tué, ou noyé aux deux moulins cent ou six vingts hommes sans aucune perte des Catholiques. L'allarme fut aussi tost au Camp des Huguenots, & bien chaude, & fut incontinent la campagne couuerte d'hommes venans au secours des assaillis: mais trop tard, ayas les Catholiques tout loisir de regagner le pont S. Vincent: & se passa ceste premiere approche des deux armees ainsi, chacune des deux parties disant auoir l'auantage: Les Huguenots se preualoiét d'auoir fait retirer les Catholiques & leué le logis de leurs cheuaux legers; tué ou prins cent ou fixvingts hommes le premier iour, comme ils se vantoiet (mais ie ne les ay ouy estimer à plus de vingt, ou vingt-cinq) & d'auoir presenté la bataille le lendemain, passans la riuiere à gué, sans aboyer l'eauë, de laquelle leurs Suisses auoient insques au dessus de leurs grosses brayettes. Les Catholiques se tenoient de leur part assez contens d'auoir paru auec

deux mil cheuaux & hui& ou dix mil hommes de pied deuant vne armee de trente six mil hommes fournie d'artillerie, eux n'en ayans point, & d'auoir le premier iour gardé le gué, & depuis tousiours logé à leur barbe, s'estans presentez le lendemain les premiers en leur mesme place du iour precedet, passans les premiers la riuiere de Modon sur leurs ennemis, pour les aller resueiller, & attendas le reste de la iournee iusques à quatre heures du foir au lieu où ils s'estoient placez,& logé leur Infateric (qui se doit prédre pour le corps de l'armee) sans qu'ils en perdissent vn poulce de terre, ny s'estonnassent de toute la monstre que firent les Huguenots deuat eux, ny de plusieurs coups qui leur furent tirez de leur artillerie: mesmes que les Huguenots commencerent les premiers à faire leur tetraicte, repassans la riviere de Modon au mesme ordre qu'ils estoient venus, se logeas aux plus proches villages : Que ledit Sieur de la Chastre aussi laissé dans le logis du Pont sainct Vincent l'auoit tousiours gardé, sans qu'il en soit bougé trois ou quatre iours durans que lesdits Huguenots ont se iourné au logis, & villages plus proches dudit pot.

Apres le seiour des dits Huguenots, & qu'ils eurent sai et leurs prouisions de bled & farine, munissans leurs chariots, ils marcherent par le Comté de Vaudemont: & les Catholiques aussi sur leur main droicte, allerent loger à Thou Les Huguenots saisoient fort peu de chemin, pour estre leur Camp pesant chargé d'artillerie mal attelee, le pays gras, & la peine de recouurer des viures pour vne si grande Armée les empeschoit d'aller viste: outre se qu'ils auoient d'heure à autre la Cauallerie des

Catholiques sur les bras, qui ne falloit chacú iour leur porter dommage,&principalement aux mou-lins, où ils n'alloient à faute. Sept ou huict iours se passerent de ceste saçon en legeres courses des Catholiques : Car les Huguenots iamais n'en feirent vne seule sur l'armee de leurs ennemis. Et vindrent loger les Huguenots dans le Ioinuillois, à S. Vrbain, Abbayeappartenant à monsieur le Cardinal de Guyse,& és enuirons. Mosseur de Guyse en receut les nonuelles à Sorcy, tresbeau & grand bourg, & la plus belle assiette d'Armee qui peut estre. Celà donna à penser audit Sieur Duc, voyant ses plus grands ennemis logez dans ses terres, & à la porte de sa principale maison, qui est Iouinuille, assez mal fournie pour lors d'hômes, pour ce que la peste estoit tres-grande dedans la ville, qui estoit presque toute abandonnee des habitans: non obstant celà, l'on y fit la nuit couler deux ou trois cens harquebuziers.

Et le dixhuict ou dixneusiesme dudit mois de Septembre son Altesse alla loger auec l'armee à Ligny en Barrois, & monsieur de Guyse prenant mil lances, & douze ces harquebuziers, sans bagaige, à montier Sursault, maison & terre à luy appartenate, qui est vn grand village à deux lieues de Ioinuille, & autant dudit lieu de saincet Vrbain, pésant que les ennemis entreprendroient quelque chose sur Ioinuille, qu'il pourroit aysément secourir, à la faueur du pays qui est à luy, fort couvert & plein de bois, ou donner à quelque logis des ennemis à sa comodité: à quoy le temps s'opposa par vne pluye si forte, & qui dura deux ou trois iours, qu'il n'y eut ordre, mesime de sortir du logis: & vit on ceste pre-

miere iournee entre Sorcy & Ligny mourir cent ou six vingt hommes, soldats ou goujats du battement de la pluye & mauuais temps, tous les bagages demeurez, & grande partie de l'Infanterie: & continua ceste incommodité de temps trois iours durans, rompant le dessein dudit sieur Duc, & faisant tenir l'yne & l'autre atmee au logis.

Vne occasion les en sit sortir, qui fut telle. Son Altesse estant à Thou cut aduis que Monsieur de Chastillon marchoit par la Bourgongne, & deuoit passer pres de Neuf-chastel, pour joindre l'armee estrangere. L'aduis estoit tresbon & certain, sur lequel le Marquis de Varábon fut despesché auec son regiment, & douze cens harquebuziers de ceux de son Altesse, trois cens lances du Marquis de Hauré, & la compagnie de Monsieur de Brion, qui estoit sur le chemin venant trouuer l'armee Catholique: ceste compagnie conduite par le Sieur de Rochefort Beauuais, fut mandee se ioindre audit Marquis. En ceste expedițion les Huguenots en mesme temps curet aduis aussi dudit Sieur de Chastillon, de son acheminement & danger, les priant instamment de l'attendre, & enuoyet desgager. Pour cest effect ils despescherent deux cens cheuaux françois, & huict Cornettes de Reistres, pour aller au deugnt dudit Chastillon; ce qui fut incontinant sceu en l'armee Catholique, & resolu sur l'heure de réforcer le Marquis de Varambon, pour deffaire Chastillon & ce secours austi: Mais qu'il falloit pourueoir aux places & passages de la riuiete d'Aulbe & de Seine, quant que de l'en reculer: dont la charge fut commise au sieur de la Chastre, Mareschal de Camp, qui mena auec luy deux

deux cens cheuaux & le Regimet de Gyé, de huict cens hommes qui arriverer en l'armee, & trois ces harquebusiers du maistre de Camp Bouc: & se deuoiet encore trouuer à Chastillo sur Seine douze ou quinze Enseignes, que Mosseur du Mayenne y faisoit couler par la Bourgogne. Le surplus de l'armee Catholique marcha à Vaucouleurs, où ils aprindret que toute l'armee Huguenotte marchoir au secours de Chastilló: qui fit aussi haster les Catholiques, les pensant preuenir, laissans leurs bagages, & choisillans de la Cauallerie les mienx motez,& de l'Infanterie les mieux ingábes & disposts pour marcher plus diligemment, & gaigner Neuf Chastel (comme ils firent ) voyant souvent par le chemin l'ennemy, marchant auec pareille ardeur de secourir Monsieur de Chastillon, comme ils auoient volonté de l'accables: mais il fut garenty par autre moyen.

Le Marquis de Varambon estant despesché de Thou (comme vous auez ouy) sit diligence, & auec les guides que l'on luy auoit baillé & les sorces denomées, arriua pres d'vn certain lieu, nomé Grizelle, dans la Bourgongne, où il sceut asseurément que le Sieur de Chastilló estoit arriué le jour precedent, & qu'il attédoit là son secours: Le Marquis se resolut de l'assaillir promptement dans le village où il estoit, sans luy donner plus grand loysit de se fortisser, ny à son secours de le desgager. La cauallerie sur ordonnee pour se mettre entre ledit village de Grizelle & le Chasteau, qui est bon pour coups de main, & à la faueur dudit Chastilló, pour ce que le maistre est Huguenot: le Marquis auec l'infanterie attaqua le village, qui se trouua aucu-

nement barricadé, mais soit que ledit Sieur de Chastillon ne le trouuast pas bien tenable, ou qu'il fust bien asseuré du propt secours qu'il luy venoit, ne fit que bien peu de defense à la barricade, la quitant & le village aussi, pour faire sa retraicte au Chasteau, auançat cet ou sixvingts harquebuziers, que le reste suyuoit de deux cens pas. Entre ledit Chasteau & le village c'estoient iardins & cheneuieres, par où marchoit ledit Sieur de Chastilló:le-Sieur de Beauuais, auec la compagnie de Monsieur de Bryon fit vne charge aux premiers, qui à la faueur du lieu tres-aduantageux pour l'harquebuze-rie la soustindrét aysémét, blesserét l'enseigne dudit sieur de Bryon, tueret quatre ou v. cheuaux, autat de maistres; & failas retirer le reste, entreret aysemét dans le Chasteau, où ils estoiet fort pressez, soit de logis, soit de viures: mais ils y demeurerent peu. Ce pendant toutes les deux parties se hastoyent, les vns, pour prendre ledit Sieur de Chastilló, cóme ils se le promettoiét, les autres pour le garantir & sauuer. Les Catholiques tiroiét de l'artillerie de la Motte, place appartenant à Monsieur de Lorraine, & laquelle estoit en chemin, mais l'approche des forces huguenotes fit retourner bien viste ladite artillerie, & resserrer les Catholiques, qui se logerent dedans Neuf-Chastel: Le Duc de Guyle mesme estant en personne arriné ce mesme iour, si las & harassé des grades traictes & du mauuais temps, qu'ils furet contraints seiourner deux iours à Neuf-Chastel. Les Huguenots avoiet senty la mesme incomodité, soit du temps, ou du chemin, qui les fit aussi seiourner deux ou trois iours, puis marchans plus quar au meilleur pays, vindret

és enuirons de Chasteau-Villain se rafreschir & sestoyer Monsieur de Chastilló, qui leur amena seulement mil ou douze cens harquebuziers; en ce cóprins cent ou six vingts homes, portas cuirasses: mais ils faisoient tres-grand estat de sa personne.

Ce pendant Monsieur de Guyse s'en retourna trouuer Monsieur de Lorraine qui estoit demeuré derriere; & se resolurent ensemble de ce qu'ils auoient à faire. Ledit Sieur de Lorraine attendoit quatre mil Reistres & douze cens lances Italienes, qu'il auoit enuoyé leuer, & ne vouloit marcher, ny entrer das les terres du Roy Tres-Chrestie à main armee, bien que ce fust pour son secours & seruice, sans son congé & bon plaisir. Surquoy il se trouuoit quelques difficultez des deux costez, dot l'on traitoit l'accommodement : Le Marquis de Hauré dit aussi qu'il n'entreroit pas auec ses forces dans les terres du Roy, sans en estre requis, & congedié du Prince de Parme son General. Le Duc de Guyse se voyoit d'ailleurs obligé pour sa religion, le den de sa charge, son honneur & deuoir, & le seruice du Roy, d'empescher ces estrangers, & s'oppofer à leurs pillages & rauages, mesmes allans entrer dans son gouvernemet. En fin il se resolut de laisser retourner son Altesse à Bar le Duc, auec le Marquis de Hauré, & toutes leurs forces. Et luy auec enuiro trois à quatre cent lances, qui luy resterent, & trois mil harquebuziers print son chemin droit à Bar sur Aube. Ce reuary que seinent ces deux armees, l'vne pour deffaire Chastillo, l'autre pour le coseruer& receuoir, les harassa ruyna tellemét, auec le manuais téps plunieux qu'il fit presque toussours durant ce temps là, qu'ils furent contraints les vns

& les autres de seiourner. & se refraischir. Ce que firent les Huguenots és enuirons de Chaumont en Bassigny, & Chasteau Villain: & le sieur de Guy-se estant separé de son Altesse, sachemina à petites traictes, se slongnant des ennemis, pour leur venir gagner la reste, sur la rinière d'Aube: Se teposat sur le Sieur de la Chastre, son maistre, de Camp, qu'il auoit auancé (comme il est cy deuant) & austi pour yn peu soulager ses gens tous harasses.

Lequel sieur de la Chastre partant de Ligny vint loger en trois traictes, avec ce qu'il avoit de forces, dans la ville & fauxbourgs de Bar fur Aube, où il seiourna deux iours seulement, pour prendre temps d'enuoyer recognoilere l'ennemy, & finformer au vray de la brisee qu'il voudroit prédre. Par les rapports qui luy furent faices, il estima estre plus commode de l'anancer insques à la Ferté sur Aulbe, où il alla loger, pour apporter plus de faueur à plusieurs petites villes, menacees d'estre branquetees: Et melmes pour couutir & conferuer l'Abbaye de Cleruaut, qui est l'une des plus belles & anciennes de France, Chef de l'ordre faince Bernard, tref riche & opulente, pour le bon mesnage & grande economie dot vsent l'Abbé & les Religieux : chose quin'estoir incogneue aux ennemis, & comme elle est tres foible, n'avant qu'vne simple muraille qui l'enferme, sans flanc ny aucune forteresse : celà faisoit espeter aux Huguenots d'en tirer vne bonne & groffe lomme, pour ine la brusler point. Et desia quelques vns d'eux auoient aduerty l'Abbé, en amy, de se mettre en deuoir de preparer des munitions & de l'argent . A quoy le bon homme d'Abbé eust

bien voulu se disposer, s'il n'en eust esté dissuadé par ledit Sieur de la Chastie, qui l'asseura de le conseruer par autre voye moins chere & plus honorable. Et de faict il logea deux cens harquebuziers dedans l'enclos de l'Abbayer, estimant que celà empescheroit la surprinse & violence des coureurs, & que la teste de l'armeene tourneroit pas à ceste seule occasió, pour venir piller vne Abbaye, dot les aduenues for fort difficiles & mal-aisces, pour la grande quantité de bois dont ladicte Abbaye est enuironnee, & encores de la riuiere d'Aulbe, qui estoit fort grosse & ctoif-soit tous les iours. Et de fait ceste garniso & la presence dudit Sieur de la Chastre, logé à la Ferté sur Aulbe, demielieuë plus auant que Cleruaut, la tint en paix & assourance quelques iours; Et iusques à ce que le camp des Huguenots desplaça & se vint loger sur ladite riniere d'Aulbe, trois & quatre lieues dudict Cleruaut, la teste tournee toutesfois vers Chastillon sur Seine, qui est le chemin ordinaire de tous les Reistres qui sont venus en Frace: Lors ledit sieur de la Chastre fut cotraint, pour pour uoir les villes de Mussy l'Euesque & Chastillon fur Seine, l'auancer insques au lieu de Potieres, qui est vne Abbaye & petit bouig fermé entre Mussy & Chastillon, d'où il pouvoit suruenir & pouruoir à tout ce qu'eussent peu entreprendre les Huguenots, ayant laissé dans Cleruaut deux cens hommes de pied. Iles Huguenots se faschoient extremement de perdre la com-modité qu'ils s'estoient promise de ceste Abbaye, dot ils l'approcherent insques à vne lieuë: A sça-uoir leurs Lansquenets & cinq cornettes de Rei-

tres auec deux ou trois pieces d'artillerie, se promettans q aussi tost ceux qui estoient dedas ladite Abbaye sestonneroiet: come à la verité elle n'est aucunement desensable, & que sollicitans l'Abbé ainsi qu'ils firent, il leur y pouruoiroit de commo-dité, comme il estoit tout resolu. Et auoit accordé auec eux à cent mil pains, cinquante pieces de vin, cinquante bœufs, deux cens moutons, quarante cheuaux pout l'artillerie & douze mil escus, que Messieurs les Reistres pensoient desia tenir. Mais Monsieur de Guise, qui ne s'endormit pas, ayant le vent de ce traicté, se mit entre la bourse & l'argent, & d'vne grande traicte vint se loger auec mil harquebuziers & trois cens cheuaux dedas ladite Abbaye, la nuict de deuant que toutes les prouisions susdites se deuoient fournir, & sans bruit se tint serré dedans le clos d'icelle Abbaye, attendant que les Huguenots l'auançassent pour receuoir les choses promises. A quoy ils surent fort longs, soit qu'ils cussent doute, ou bié aduis certain de ce qui se tramoit contre eux: Et en fin, sur le haut du iour, quelques François marchas les premiers, suiuis de trois cornettes de Reistres s'auancerent à demie lieuë dudit Cleruaut, où Monsieur de Guyse leur alla au deuat, ayant premierement, à la faueur des bois, logé bié & fortement ces mil harquebuziers: & l'approcherent l'vn & l'autre de cinq cens pas, ne voulas pas les Huguenots enfoncer les bois,ny plus auant les Catholiques prendre la plaine. Les Huguenots se retireret, repassas la riviere d'Aulbe. insques à la selle de leurs cheuaux, & essayerent de vouloir refaire vn pont, & raccoustrer le passage d'vn moulin, dont ils furent bien empeschez par

l'Infanterie de Monsieur de Guyse, qui s'auança iusques sur le passage, & estonna les ennemis, &les fit retirer bié viste au gros de leur armee, craignans son nom & ses entreprises hazardeuses, qui fort souuent par son bon heur & conduite luy ont reully glorieulement: Et est à croire que si la riuiere eust esté lors bien gueable (comme elle n'estoit) & les ponts n'eussent esté rompus, veu le desordre qui fut parmy les ennemis, il les eut fort endomagez : Car cinquante cheuaux legers, qui passerent l'eaue, iusques à la selle de leurs cheuaux, ramenerét force prisonniers, & plus qu'ils n'estoient d'há. mes: Et rapporterent qu'ils auoient veu bransler les Lansquenets, & prests d'abandoner l'artillerie. Et par la diligence dudit sieur Duc, & sa hardiesse, fut conseruee ceste belle Abbaye du feu, ou d'vne tres grade commodité, que les ennemis en eussent tirez.

Pendant que toutes ces choses se faisoient du costé dudit sieur Duc de Guise, le sieur de la Chastre s'estoit mis dans Chastillon sur Seine, qui est vne tres-grade ville au Duché de Bourgongne, de grande garde, & si peu sortissee, qu'vn quart de la ville, depuis les Cordeliers iusques à Chaumont (qu'ils appellent Haute-ville) n'est fermee que des maisons mesmes, & n'y a fossé ny aucune sorteresse qui vaille: Toutessois elle est tres-marchande & sournie de toutes commoditez, qui donnoit bone enuie aux Huguenots de s'en emparer, & aux Catholiques de les empescher. Et pour ce saire, Monsseur du Mayenne auoit enuoy é au sieur de Linty, Gouuerneur de ladiste ville de Chastillon, trois mil harquebuziers. Et sçachat ledit sieur du mayé-

ne que ledit Sieur de la Chastre estoit despesché de mossieur son frere, pour fauoriser les villes qui sont sur les riuieres d'Aulbe & de Seine, l'enuoya prier par plusieurs lettres, cossideré la consequece dudit Chastillon, qui ne se pouvoit garder ny coserver, que par la force des homes, & vn bon Chef dedás, qu'il sy voulust mettre auec les forces qu'il avoit amences, & celle encores qu'il avoit enuoices pour

cest effect, à quoy il obeyt.

Et le vingt-huictiesme dudit mois de Septébre ledit sieur de la Chastre entra dedans ladite ville de Chastillon, laissant dedás Potieres & autres petits bourgs fermez, des hommes pour les garder. Et fur l'heure fit descriptio des forces qu'il logeoit audit Chastillon: Il se trouua plus de trois mil harqueouziers, & deux ces cinquate cheuaux. Et sans perdre teps le jour mesme il departit les quartiers, & ordona à chacun Capitaine, tant de cauallerie que d'Infanterie, ce qu'il auroit à faire en cas d'alarme, & où chacun se rendroit: pourueut à l'ordre des viures & aux municions de guerre, dont y en auoit fort peu dans la ville : mais ayant en diligence enuoyé à Troye aux Maire & Escheuins, le secoururent de douze ou quinze ces liures de poudre menue, grence. Il fit aussi faire la plus grade quantité de fassines, gabions & clayes que le temps le pouuoit permettre, & aucunement releuer la contrescarpe aux endroits où le fossé valoit le moins, attédat que seroiet les ennemis: lesquels se tindret l'es. pace de sept ou huit iours à quatre ou cinq lieues de ladite ville de Chastillon, soit qu'il y eust quelque empelchement parmy eux, ou bien que sencas ceste place là bien fournie, tant d'vn bon Chef,

que d'hommes de guerre, & que Mosseur de Guyle s'en estoit approché iusques à Bar sur Seine, apres auoir coserué Cleruaut, & que d'ailleurs Moficur du Mayenne du costé de Bourgongnes'y acheminoit aussi, auec mil ou douze ces harquebuziers & six cens cheuaux. De tout ce que dessus ledit Sieur de la Chastre auoit assez amplemet escrit & donnéaduis audit Sieur Duc de Guyse,& de l'estat de la place, qui ne valoit du tout rien (comme elle estoit bié cogneuë pour telle, mesmes aux ennemis) & que neantmoins le nombre de bons homes qu'il auoit auccluy, tous desireux de faire vn bon seruice au Roy, & acquerir de la reputation, ponuoient non seulement garder ceste place; mais faire grad ennuy & domage aux ennemis, s'ils passoient la riuiere de Seine au pont des Estrochets, qui est le lieu & passage ordinaire où ont tousiours prins leurs brisces les Reistres venus en France.Et deduisoit amplemet dedans sa lettre l'auatage que pouuoit auoir ledit Sieur de Guyse, venat loger à mussy l'Euesque auec ses forces, qui pouuoiet estre encores de deux mil cinq cens, à trois mil bos harquebuziers, & cinq cens cheuaux, pour se rendre seuremet & à couvert iusques à Potieres, bo bourg fermé, où il y a vne Abbaye dans vn marests, foisoyee de tresbos fossez: Et pour cet effet ledit Sieur de la Chastre y avoit laisse trois ces harquebuziers pour attendre & receuoir ledit Sieur Duc. Dudit Potieres l'on vient par vne chausse tres-malaise (où il ne peut passer qu'vn cheual de front)gagner vn bois en mesme assiette d'vn païs si mol que l'on n'y peut aller que par quelques chemins frayez & faits expres, le squels accomodez tant soit peu, mil

harquebuziers le pouuoiet garder & defendre vir long temps contre vne armee, & en fin se voyans prests d'estre forcez, leur retraicte sans difficulté estoit seure audit Potieres, où il n'y auoit moyen de conduire proptement de l'artillerie, sans auoir preparé & accomodéles chemins par vn grad temps & loisir. Dudit bois vne mousquetade peut porter dans le gué des Estrochers, qui eust grandemet offensé les ennemis en leur passage. Ce q ledit Sieur de Guyse ayat bien gousté, & trouué les aduis dudit sieur de la Chastre bons, il luy fit response qu'il ne faudroit de suiure son aduis, & qu'il escriuist à Monsieur du Mayenne qu'en mesme temps il s'approchast aussi, à quoy ledit sieur du Mayenne bien preparé de son costé, comme l'estoit Monsieur de Guyle & le Sieur de la Chastre aussi, n'attendans que le téps que l'armee des Huguenots marchast, pour se venir enfourner dans ce passage mais ils auoient surprins les lettres du Sieur de la Chastre & de Monsieur de Guyse, qui s'escriuoient l'vn à l'autre, qui descouurit tout le dessein cy dessus discouru, qui leur fit changer d'aduis & de chemin.

Le trois ou quatriesme iout d'Octobre le corps de l'armee Huguenotte vint loger à deux petites lieues de Chastillo, & toute l'infanterie Françoise: & la plus part de leur cauallerie, auec le Sieur de Chastillon, se logerent serrez tous das vn village à vne heüe, & à la veüe dudit Chastillon sur Seine, la teste droit au passage des Estrochets: qui sit croire audit Sieur de la Chastre, que pour certain ils y cotinueroient leur chemin, & passeroiet la riuiere de Seine audit lieu des Estrochets: Dot en toute dili-

gence il aduertit Messieurs de Guyse & du Mayenne: chacun d'eux ne sur paresseux de s'auancer sans bagage, & de tenir leurs gens de guerre en bon ordre.

Le lendemin Dimanche, sur les sept heures du matin, la teste de l'armee Huguenotte parut entre deux montagnes, qui s'appellet les Iumeaux, pour estre proches l'vne de l'autre: & entre lesdits Iumeaux & ladicte ville de Chastillon, y a vne tresbelle & grande plaine, où ladicte armee se mit bien diligemment & en bon ordre en bataille, en toute telle forme come s'ils eussent eu vne semblable armee en teste à combatre: Et ayans dressé leurs bataillos droit audit passage des Estrochets, deux ces cheuaux François començans les premiers à marcher, quittans le chemin des Estrochers, qui estoit à main droicte d'eux, & à gauche de la ville de Cha-Rillon, monstrans le flanc à ladicte ville, & la laissans d'une petite lieuë à leur main droicte, vont dresser leur file pour passer la riviere de Seine à vn village nommé où il y auoit quelques planches pour les gens de pied. La riuiere se guee, non seulement aux passages ordinaires, mais presque par tout. Ainsi par ceste grande plaine ladicte armee marcha sans rompre l'ordre de leur bataille, Apres ces deux cens cheuaux François, marcheret sept cornettes de Reistres sur la teste d'vn costau qui regardoit les planches & gué, où passoit la file de l'armee: à enuiró mil pas de la ville de Chastilló, ils firent alte, pour empescher les sorties de la ville. Apres les Lansquenets, marchoit vn bataillon de Suisses, puis sept autres cornettes de Reistres, qui se logeret au lieu de ces premiers qui passeret l'eauë:

Puis marcha l'autre bataillon de Suisses, auec l'artillerie, & Messieurs de Bouillon & de la March, tous deux malades, portez en des brancarts, & suiuis de bien soixante autres brácarts. Sur la fin pour faire l'arriere-garde, marchoit Monsieur de Chastillon, auec trois cens cheuaux François, & autres sept cornettes de Reistres & mil harquebuziers. Ceste derniere trouppe s'estoit venuë plater dés le matin deuant la ville, sur l'auenue que marchoit leurarmee dans le milieu de la plaine, sans auoir rié attaqué, ny mesmes recognuny les fauxbourgs ny plusieurs maisons escartees, ny vne Abbaye & Eglise que les Catholiques gardoient. Le sieur de la Chastre estant sort y dés le matin à cheual, accópagné d'enuiron trente cheuaux,& cet laissez derriere, à la faueur d'vne bone trouppe d'harquebuziers, l'auança dans la plaine pour les confiderer,& leur marcher & cotenance. Ce qu'ayant assez recognu,& voyant qu'ils faisoient mine de ne vouloit rien attaquer, il sauança encores si pres d'eux, que des Gentils-hommes des deux costez se recognurent & parlerent ensemble. Il se tira quelques harquebuzades, sans plus entreprendre, ne voulas les ennemis soder les harquebuziers des Catholiques, qui estoiet fort bie logez pour soustenir ceux qui attaqueroiet l'escarmouche. Les Catholiques aussi ne se voulas trop hazarder dans la plaine, se retirerent, laissant le sieur de la Chastre en cét endroit le sieur de Bois-Daulphin auec cinquante cheuaux pour y commander, & auec charge de ne l'auacer point plus auant qu'à la faueur des harquebuziers.

Le sour se haussoit, & pouvoit estre lors dix heures du matin, que l'armee ennemie ayant at-

taint les premiers le passage de la riuiere, & voulant le Sieur de la Chastre cognoistre ce qui se passoit de ce costélà, sy achemina, & trouua ces sept cornettes de Reistres, dites cy dessus, auancees vn peu plus pres de la ville qu'elles n'estoient du commencement : A quoy ils auoiét esté attirez par quelques harquebuziers à cheual, qu'ils ramenerent bien viste iusques aupres de certaines maifons où estoit le sieur de la Chastre, qui fit vne petite charge, auec quinze lances qui estoient auec luy, à quelques quarante Reistres desbandez, iusques dedas leur gros, qui l'auança & separa l'escarmouche: Et y eut quelques Reistres poitez par terre de coups de lances: L'vn par vn ieune Gentil-home neueu dudit sieur de la Chastre, nommé Menou, qui ramena aussi son cheual blessé, comme furent plusieurs autres de coups de pistoles.

Sur le midy suruint vne petite pluye, qui dura iusques sur les quatre heures du soir, qui incomoda beaucoup l'armee ennemie, qui auoit dessa presque la pl' part passe: Et quelques vingt harquebuziers du sieur de la Chastre, assistez de dixou douze mousquets auoiét fait retirer ces Reistres & quitter beaucoup de la plaine, mais se mettans les dits harquebuziers plus auat qu'il ne leur estoit commandé, & transportez du contentemét qu'ils recenoiét de voir retirer ainsi deuant eux ces sept cornettes, se trouuerent tellement aduacez que Monsseur de Chastillon, qui faisoit (comme dita esté) la retraicte auec trois cens cheuaux Fraçois & sept cornettes de Reistres & douze cés harquebuziers, venas à toute bride cauallerie & infanterie ensemble par vn vallo coupper entre la ville & les suf-

## HISTOIRE

dits harquebuziers, le chemin de leur retraice leur estant osté, il en sur tué vingt-deux sur la place, & presque autant de prisonniers, & des ennemis cinq ou six seulement, dont il y auost deux Capitaines dudit sieur de Chastillon, & quelques cheuaux. Sur la queuë de l'armee il y auoit plus de mille à douze cens malades, abandonnez: quelques-vns des plus sains, & qui firent mine de se desendre, surent tuez, les autres laissez mourir d'eux mesmes, où à la mercy des communs, qui les traitoient comme la fureur les poussoit, voyans leurs

biens perduz, mangez & consommez.

Ceste riviere de Seine passee, les Huguenots comencerent à songer pour passer celle d'Yonne, & pour cét effect prindrét leur chemin vers Ancy le Franc, où le sieur de la March, frere du Duc de Bouillon deceda: Le Duc de Bouillon mesme, du commécement du voyage ayat tousiours esté malade,ne l'en trouua pas mieux par la mort de só fre-re; celà fit qu'ils seiournerent là quelques iours: Ioinct que les estrangers commencerét à se fascher de ne voir ny le Roy de Nauarre, ny le Prince de Codé, comme on leur auoit promis à la leuce mesme, & qu'ils viendroient les recueillir sur le bord du Rhin: Et aussi peu leur fournissoit-on l'argent promis. Qui fit pratiquer aux François qui les coduisoiet, nouvelles invétios & artifices pour tousiours les embarquer plus auat, & les attirer au deçà de la riuiere d'Yonne: Qui ne fut sans grande difficulté, principalemet du costé des Suisses, dont l'yn des regimes tourna les enseignes, pour rebrousser chemin: mais pressez de l'autre regiment, priez des Reistres, & par nounelles obligatios & promesses

des Fraçois, qui les asseuroient que pour certain ils trouueroient le Roy de Nauarre à la Charité, dont le passage leur estoit tout asseuré, ils marcherent: toutes sois auec grades dissicultez, comme sit aussi le reste de l'armee droit à la riuiere d'Yonne.

Monsieur de Guyse ce pendant r'assembloit ses forces à sainct Florentin, où le Sieur de la Chastre l'alla ioindre, auec celles qu'il auoit dans Chastillon, hors mis ce qui estoit de Mosseur du Mayene, qui repasserent dedans la Bourgongne, pour y coseruer les places, & costoyoient les ennemis sur la main gauche; comme Monsieur de Guyse faisoit fur la droicte, attendant le renfort que luy amenoiet Messieurs ses cousins d'Aumalle & Delbeuf, & Monsieur de Brissac, qu'il receut à Ioigny, sur la riuiere d'Yonne: qui estoiet de tres-belles trouppes, faisans nombre de huict ces à mil cheuaux. De Loigny Monsieur de Guise s'achemina iusques à Auxerre, pour s'aboucher auec Mosseur du Mayéne son frere, qui s y trouua pour aduiser ensemble ce qu'ils auoient à faire : les ennemis ayans passez la riviere d'Yone à mailly la Ville & prins leur chemin droit à la Charité. Ayant Monsieur de Guyse reuny ensemble les forces de Messieurs du Mayenne, d'Aumalle, d'Elbeuf & de Brissac, auec les siennes, pouuoient faire six mil harquebuziers & dixhuict cens cheuaux: qui haussa tellement le cœurà ces Princes, qu'ils se resolurent d'approcher l'ennemy logé vers Blesneau, à la faueur du pays couuert de boys & de toutes hayes fortes: qui apportoit grand aduantage à leur harquebuzerie, pour tenter quelque chose sur le logis des ennemis: & pour ce faire fut donné vn rendez-vous à toutes

les forces (qui n'auoient encores esté incorporees en corps) aupres de Charny, petite ville sermee, qui sit disticulté de receuoir & loger ladicte Armee, de laquelle ce iour là par tel accident, & pour saire longue traicte, la pluspart se perdit: & se trouuerent les aucuns logez sort pres de leurs ennemis, sans qu'ils s'en apperceussent, ny les vos ny les autres que bien tard, qui empescha qu'ils ne se courussent sus.

Le Roy en ce temps là estoit sur la riviere de Loyre auec son armee, du costé de Berry, pour empescher le passage à ceste armee estrangere:comme il fit s'opposant non moins resolument audit passage que hardimer, n'ayant encores toutes ses forces ensemble, come l'on m'a fait entédre : Car ie ne parle de ce que ie n'ay point veu, que par ouy dire. Qui me gardera aussi de rechercher & prosonder plus auant ce qui se fit & passa du costé de l'armee de sa Majesté:sinon en ce qui seruita pour l'effect de ce discours.L'o m'a asseuré que sa majesté n'eust sceu auoir plus de dix mil Suisses, huice mil harquebuziers François & enuiron deux mil lances de ses ordonnances. Les ennemis estoient vn peu plus forts d'infanterie, & des deux parts de cauallerie: Neantmoins la presence de ce, grand Roy en personne, & sa resolution, les estonna, le voyant si resolumet s'opposer à leut passage. A quoy i'ay appris que l'aduis & conseil du Duc de Neuers seruit grandement, & aussi's prenoyance & diligence à faire des retranchemens dans les sables de la riuiere de Loire, & rompre les guez au mieux que l'on pouuoit, contre l'esperance des estrangers, qui iusques alors auoient esté entretenuz par les Hugue-

nots en opinion que le Roy n'auroit des-aggreable qu'ils ioignissent le Roy de Nauatre, & qu'il ne seur apporteroit aucun empeschement: dont ils se trou-uerent bien deceuz & estonnez, & en sirent grand reproche à leurs coducteurs : Et mesmes de n'auoir aucune nouvelle du Roy de Nauarre, & moins le passage de la Charité à leur commandement, comme l'on leur auoit tant promis. Toinct que depuis que ces Princes Catholiques leur ettoient sur la queuc, ils leur apportoient châcun iout des incommoditez tresgrandes, & voyant leurs forces diminuer à veue, tant par maladie, que de pertes ordinaires qu'ils faisoient par les courses des Catholiques sur eux; qui auoient bien redoublé depuis que tous ces Princes Lorrains estoint joinces ensemble, qui leur fit prendre resolution de chercher la Beausse & quitter le pays fort, & aussi pour viure commodément & grassement, attendans le Roy de Nauarre qui demoit passer Loire à Montsoreau (co-me l'on leur disoit) & aussi qu'vn Prince du sang deuoit venit receuoir ceste armee (come vous verrez cy apres.)Monsieur de Guyse n'auoit point faute d'espions ny de bons aduis pour estre aduerty des desseins des ennemis: Il considera que le Roy estoit beaucoup essongné de Paris, les ennemis prenans le chemin de la Beausse, se mettoient entre luy, & ledit Paris, qui estoit lors denué de toutes forces, qu'vne course de quatre, ou cinq mil cheuaux eust grandement estonné ceste grande ville, qui eust apporté non seulement dommage, mais tres-grand effroy, & non sans quelque courroux, & crierie contre les Princes Catholiques : qui leur fit prendre resolution de couurir tousiours Paris. Et pource saire,

Le vingt-quatriesme dudit mois d'Octobre, les ennemis s'estans allez loger à Chastillon sur Loin & és enuirons, Monsieur de Guyse & son armee s'en alla à Courtenay, pour gaigner la riuiere de Loin, asin de s'en seruir & garder le dessus du vent pour Paris.

Et le Lundy vingt-fixielme dudit mois les ennemis marcherent & passerent entre Montargis & Gié pour se jetter en la Beausse. Le pays d'entre Gié & Montargis est vn destroit de huict ou neuf lieues assez couvert & plain de bois. Le Roy estant lors à Gien auec son armee, à laquelle les Huguenots estoient contraints de faire vne bonne teste, iettans leurs François de ce costé là, qui pour estre peu ne pouuoient les couurir par tant d endrois; Monsieur de Guyle sçachant à point nommé leur dessein, & comme ils venoiet le lendemain loger à deux lieues au plus loing, de Montargis, resolut auec ses forces, estimat en auoir assez, d'attaquer l'arrieregarde des ennemis qu'il pensoit, selon leur ordre de marcher, estre d'vn regiment de Suisses, ou de leurs Lansque nets, & de sept cornettes de Reistres: & fut mis or dre à la mesme heure de doner le rendez vous pour le lendemain vingt-sixiesme d'Octobre, aux fauxbourgs de Montargis.

Le Sieur de la Chastre partit de Courtenay des la minuict, pour aller deuant audit Montargis, diftant de sept bonnes lieuës dudit Courtenay, & y arriua sur les sept heures du matin & sit incontinent fermer les portes de la ville, sans laisser sortie aucun qui peust donner aduis aux ennemis: & despescha quelques vos des siens pour aller prendre lague desdits ennemis, d'où ils retournerent sur le mie dy, & rapporteret auoir veu marcher l'armee enne-

30

mie & qu'elle ne passoit qu'à vne bonne lieue & demie dudit Montargis. A la mesme heure de midy le dir Sieur Duc de Guise arriua & partie de son infanrerie, mais l'autre partie fur longuement à venir, & beaucoup de la cauallerie ne peut arriver que bien sard, qui fut cause de rompre la premiere deliberation de donner sur l'arrieregarde des ennemis: Et re peut-on legerement aux plus prochains villages & dans le faux-bourg. Et sur les quatre ou cinq heures le Sieur d'Escluzeaux qui auoit eu charge de recongnoistre où les ennemis se logeroier, rapporta qu'il les auoit veu loger : assauoir sept ou' huict cornetres de Reistres en vn village nommé Villemory, ce qui estoit bien vray; mais ce n'estoient que les premiers arrivez, car les autres quatorze cornettes y logerent & encores route leur cauallerie & Infanterie Françoise à Ladon, vne lieue par delà, & leurs Suisses & Lansquenets en deux autres villages àvne autre lieuë, se serrans ainsi pour ce iour là, se voyans en ce destroit entre l'armee du Roy & celle de Mosieur de Guise: mais pour celà ils ne se couurirent pas d'vne rude touche.

Sur le rapport dudit d'Escluzeaux il sut deliberé & resolu d'enleuer ce logis de Ville-mory, ou l'on estimoir n'y auoir que sept cornettes de Reistres, & sit-on passer l'Infanterie par dedans la ville de Montargis, demie heure deuant la minuict sermec, que sit alte en vne plaine à demye lieuë de la ville; attendant le reste des sorces qui arriuoient à la sile: mais non toutes; car de dix-huict cens cheuaux qu'auoit lors ledict Sieur Duc de Guyse, sept ou huict cens pour n'estre pas aduertis, ou pour auoir perdu leur chemin, ne s'y peurent trouuer. Et apres

les auoir attendu insques sur les sept ou huit heures pour ne perdre d'auantage de temps l'on commen-

ça marcher en ceste forme.

Monfigur du Mayenne auec trois cens cheuaux menoit la teste, soustenu de Mosseur d'Elbeut, auec deux cens cheuaux: Monsieur de Guise marchoit apres qui pouuoir auoir autres trois cens cheuaux, & sur la main droitte, Monsieur d'Aumalle auec pareil nombre. L'infanterie estoit divisee en trois troupes: S. Paul menoit la premiere, joint auec luy Ioannes, Gyé & Bouc faisoient mil harquebuziers sur la main droite : d'Escluzeaux, qui pouuoit auoir huict cens harquebuziers sur la main gauche: Cheuriers & Pontsenac, auec pareil nombre. Et en ceste sorte les Catholiques marcherent fort deliberez par vne grande plaine. Il faisoit vne nuict si obscure qu'on ne se pouuoit recognoistre. Monsieur du Mayenne estat aduerty par les guides qu'il estoit proche du village de Vilmory, fit donner iusques fur le bord quatre cheuaux, qui ne trouueret nyguet ny garde, à quoy l'on ne s'attendoit pas: Et pour ne perdre si belle occasion, ledit Sieur du Mayenne ayant aduerti les Maistres de camp & Capitaines de gens de pied de bien faire leur deuoir, leur laisse l'entree du village, & se met hors des hayes sur la main gauche, les costoyans tousiours. Il faut noter que ce village de Vilmory est fort escarté, & long d'yne demie lieue: qui donna loisir & commodité à ceux qui estoient logez plus loing, de monter à cheual, comme vous entendrez.

Les Catholiques donc entrez dans le village eurent plustost tué quantité d'hommes, que l'on n'eust demandé qui va là, & de tout ce qui se trouua àceste premiere aduenue, peu eschapperent le fer, le feu ou la prison : & dura telle execution vne bonne demie heure, iusques à ce que le Baron de Dothna, estantà cheual, rallia six ou sept cornettes ensemble, & fit mine de donner dans la rue du village parmy les gens de pied, qui alloient tousiours executant de logis en logis, y mettat le feu, pour en tirer ceux qui se cachoient. Quelque rumeur se mit lors parmyceste infanterie, qui en rel casa coustume de crier:cauallerie, canallerie; ce qu'ils firent plusieurs fois : A quoy accourut auffi tol Monfieur du Mayenne, qui pour l'ardeur de combattre. & de conseruer la victoire qu'il se voyoit en la main, ne dona point d'aduis à Monsieur son frere, qu'il s'auançast, ny aux troupes ordonnees pour le soustenir: De mode qu'il se trouua peu accopagné pour l'obscurité de la nuit, la pluspart de sa troupe l'ayant perdu. Et estoit lors, si proche des ennemis, qu'il n'y auoit qu'vne hayne entre-deux. Il fut recogneu d'vn trucheman, qui distau Baron de Dothna, voilà le Duc du Mayenne sur ce cheual blanc : ie le recongnois bien à son port, & à sa parole: Car lors ledit Sieur Duc encourageoit ses gens de pied, les asseurant par sa presence & exhortation. Ledit Baron de Dothna se resolut lors voyant Monsieur du Mayenne à la faueut des feux fort mal accompagné, de le charger : il ne fit que la moytié du chemin : Car ledit Sieur Duc d'vne merueilleuse hardiesse & resolution s'auançant de son costé, n'ayant qu'enuiron soixante cheuaux donna dedans ce hot de sept cornettes, qu'il perça de part à autre, ayant receu vn coup de pistole dans le menton de son habillement de teste, de la main dudit Baron de Dothna: qui pour contr'es-

H iii

change réportavn coup d'espec dudit Sieur Duc sar la teste, qu'il n'auoit point couverte, & luy en descousit vn bon empant: Ledit Sieur Duc perdit à ceste charge seize ou dix-sept Gentils-hommes, qui furent tuez, la pluspart à cause d'vne grande sosse, non recongneue pour l'obscurité de la nuict: Et celuy qui portoit sa cornette y fut tue & la cornette prinse par les Reistres qui en ceste charge nocturne perdirent trois des leurs, mais elles surent brusses dans les logis: & huict cens à mil hommes morts ou prins & enuiron douze cens cheuaux.

Ces Princes apres auoir publiquement loué & remercié Dieu en la principalle Eglise de Montargis, & fait songneusement traitter & penser leurs blessez, tindrent conseil de ce qu'ils auoient à faire. Le lendemain ie fus sur le lieu (comme les autres) voir ce qui estoit aduenu, où ie vy plusieurs homes morts & bien fix vingts chariots abandonnez. Ce qu'ils plaignoiét le plus, estoit deux Chameaux, que l'on disoit estre destinez à vostre Majesté, & a elle enuoyez par Cazimir. Le Baron Dothnay perdit aussi ses Attabales, qui est la plus grande marque de dignité qu'aye vn General de Reistres. Ce sut le commencement de la ruyne de l'armee estrangere qui alla tousiours diminuat: car tant s'en-faut qu'ils se rendissent plus sages & aduisez par leur perte, qu'ils donnerent encores plus belles occasions à leurs ennemis de faire des entreprises sur eux, commençans ouvertement à se plaindre des François, disans qu'ils les menoyent à la boucherie, les logeas mal: de sorte qu'ils voulurent dés lors faire à leur. fantalies. Ce qui fit que les huguenois François auf si commencerent à les redouter & s'essogner d'eux

Peu de iours apres il leur fut dressé vn autre piege, qui cuida ruiner monsseur de Chastillion & leurs

principaux François, & l'occasion fut telle.

Il y auoit quelque temps qu'vn Gentil-homme Catholique de Normandie, pour auoir cómis quelque faute conduilant des gens de pied, estant pour suiny de la Iustico, ayant partie grande & forte, de peur d'estre pris & attrappé s'estoir retiré vers le Roy de Nauarre, qui le receut & traitta bien & fauorablement: Et au commencement de ceste guerrefut incité de luy (comme il disoit) de s'en venir trouuer Monsieur de Guise & prendre charge souz luy, cerchant les occasions de faire quelque bon & signalé seruice audit Sieur Roy de Nauarre, quand ilen auroit le moyen. Et de fait il auoit lettres & chiffres du Roy de Nauatre & si bonne intelligence dans fon armee estrangere, mesme auec Guitry, qu'à toutes heures il auoit lettres de luy, alloit & venoit, ou envoyoit parmy eux, comme bon luy sembloit, & apres retournoit pres de Monsieur de Guyle, auquel il sestoit descouuert, traittant doublement son intelligence. Estant yn iour fort pressé des principaux François de l'armee Huguenotte de faire quelque service & de leur donner moyen de surprendre quelque ville, pour leur retraitte : Il sembla que le Chasteau de Montargis estoit propre à celà, & qu'il valoit bien le peine de s'y hazarder. Ce Gentil-homme l'appelloit Espau. Il fut laissé deux iours apres ceste charge de Ville-mory dans montargis, auec cinquante hommes choisis pour la garde du chasteau, qu'il feignoit estre à luy, & d'en estre Capitaine, dont il aduertit monsieur de Cha-

<sup>,</sup>èlisoppe

fillon & Guitry, qui bien tost mordirent à ceste pomme, & enuoyerent vn Capitaine recongnoistre s'il y auoit apparence à ce qu'il disoit : Il trous ua ledit Espau dans le chasteau, auec cinquante ou foixante soldats seulement qui parussent, demoura tout le iour leans, visita & recogneut la place, & se contentant dudit Espaus'en retourna, plein d'esperance, faire son rapport : lequel ouy, iour est prins au lendemain, dont Monsieur de Guise fut aduerty. qui renforça le Chasteau d'hommes, Monsieur de Vins y est enuoyé, & Monsieur le Cheualier d'Aumalle mesme s'y trouua à la destrobee, feignant d'aller à Paris: Comme fit aussi le Sieur de Bois-Daulphin: & se trouuerent bien là dedans cent Gentilshommes & deux cens des meilleurs soldats qui fussent en l'armee de Monsieur de Guyse. Le Sieur d'Escluzeaux feignoit d'estre lieurenat dudit Espau, qui joua tres-bien son personnage. La briefuere du temps ne leur permit de faite vne herfe, & se senui? rent d'vne myne en terre à l'entree d'vne tour, ou il y a vne faulse porte qui entre par le lardin par vn pe tit pont qui n'a rien de commun à la ville, qui estoit le lieu destine par où les huguenots se doiuoiet ren-dre maissirés de ceste place.

Le dernief jour du mois d'Octobre Monsieur de Chastillon, auec trois cornettes de Reistres, deux cens cuirasses & enuiron mil harquebuziers s'achemina à vn trait d'arc du chasteau de Montargis, & enuoya deuant quelques vns recongnoistre quel ily failoit: qui trouuerent à la faulse porte ledit Espau & son Lieutenant d'Escluzeaux: ces premiers estoient seulement quatre ou chiq, qui demanderer à entrer & visiter la place, qui leur sut librement accordé,

accordé, & ne trouuerent que les cinquante ou soixante homesqui disoient estre de la garnison. Apres la visitation, ils ressortent pour aller trouuer Monheur de Chastillon, & luy faire rapport de ce qu'ils auoiet trouué. Tost apres Rebours arriua, anec cinquante ou soixante hommes choisis, qui fut receu & mis dans le Chasteau, auec toute ceste trouppe. Il demanda d'auoir les clefs des portes qui entroiét dedans la ville, & que l'on laissast le corps de garde libre, retirant les soldats qui y estoient: Ce qui leur fut accordé. Apres ils dirent qu'on sist tourner la bouche à deux couleurines qui estoient bracquees à la porte par où ils entroient, qui fut ce qui leur donna plus de soupçon. Il entroit tousiours quelqu'vn, & pour vn coup y en entra cent, ou six vingts. Ledit Espau & d'Escluzeaux jouerent tresbien leur jeu, hastant tant qu'ils pouuoient l'entree de Monsieur de Chastillon: car l'on n'attendoit que cestuylà, pour mettre le feu (comme l'on dit) à la mine. Rebours asseura qu'il n'auoit paslong chemin à faire, car il n'estoit que sur le bort du pont, & vouloit à toutes forces y entrer: mais retenu de sa bone fortune & destinee, & de plusieurs qui y contrarjoient: Il renuoya encor demander que l'on auoit fait du Sieur de Bourron, Capitaine du Chasteau, qu'il defiroit l'auoir, & auant qu'entrer, parler à Espan: qui ne fit aucune difficulté de sortir, esperant que comme il les auoit amenez si pres par ses paroles, qu'il leur feroit encor franchir le fossé: Mais il se trouva autrement: Caril fut retenu, & renuoya ledit Sieur de Chastillon prier que l'on luy enuoyast le Sieur de Bourron, Gouverneur de ladite place, que d'Escluzeaux seignoit auoir mis prisonnier. Le mal sut

que quelqu'vn de ces Huguenots furetant par le chasteau, le veit tout armé dans vne chambre, bien accompagné & prest à sortir, quand le signal l'auertiroit. Celà courur parmy eux de main en main, de sorte q'la plus grande partie se coula & retira sans bruit: Ce qu'apperceuans les Catholiques, donneret feu à la trainee de pouldre & plusieurs arrifices: dont quelques quarante qui se trouuerent de reste, furent mis en pieces & bruslez, desquels y en auoit cinq ou six Capitaines, & le reste tous soldats signalez. Espau demeura és mains dudit Sieur de Chastillon, qui le liura aux Reistres, qui d'heure à autre attendoient d'en faire vn cruel supplice, le menant enferré au cul de leurs chariots: mais Dieu l'a reserué à autre effect, luy ayant doné moyen de se sauuer, & eschapper de leurs mains.

Ils battoient ce pendant de leur artillerie vne petire ville appellee Chasteaulandon, l'espace de trois iours, sans y pouvoir faire bresche où il peust entrer plus de deux hommes de front. Si les habitans de ladite ville eussent voulu receuoir deux cens hommes que leur enuoya le Sieur de la Chastre, iamais ils ne l'eusset prinse. Car au bout desdits trois iours vn nommé capitaine l'Amour, que les habitans auoient receu auec vingt hommes sculemet, fit la coposition de la vie saune. Pédant le siege de ceste petite place, l'armee dudit sieur de Guise estoir logee depuis Nemours insques à Montargis, le long de la riuiere de Loin, qui seruoit seulement de barriere à ces deux armees, encores qu'elle se guee entre ces deux villes, pour le moins en vne douzaine de lieux & à la plus part des guezy a villages, que la riuiere

separe. Les Huguenots logerent en la partie de leur costé, & les Catholiques a celle qui estoit du leur. Et pouuez penser, que ce n'estoit sans estre soigneux de faire bonne garde. Ce qui harassa tant les deux parties, que chacun sut bien aise se tenir plus essoigné pour se rafraischir & refaire vn peu la cauallerie, qui en auoit tresgrand besoin: principalement celle de Monsieur de Guyse, qui patissoit beaucoup plus que celle des ennemis, pour estre moindre & plus chargee des factions de la guerre.

Le trois ou quatriesme de Nouembre l'armee des Huguenots partit de Chasteau-landon, & marcha en pleine Beausse vers les bois de Maleserbes. Monsieur de Guyse au mesme temps partit-aussi de Nemours, & alla loger à Montereau, qui estoit du tout felloigner des Huguenots, & leur tourner le cul:ce qui rapporta occasió à ses ennemis de le calomnier, chacun discourant, à sa fantasie de ceste retraite. Et, comme i'ay appris, le Roy mesme n'en pouuoit iuger les causes; il enuoya le sieur de Dinteuille vers Monsieur de Guyse pour s'en esclarcir, & aussi pour le semondre de se ioindre au plustost auec sa Majesté, afin que ses forces vnies ensemble, par vn combat entier l'on peust mettre fin à ceste guerre, & aux cruaurez que faisoient sur le peuple de France, ces cstrangers, à quinze lieues de Paris.

Monsieur de Guyse sit responce au Roy qu'il aymeroit mieux estre mort mille sois, que sa Majesté se sust presente en vne bataille qu'il ne sust deuant luy, pour luy rendre preuue de sa sidelité, & le faire iuge de quelle assection il s'opposeroit en sa presence à la conseruation de sa Religion, de sa personne, & de son Estat, Que la cause de sa retraitte à Montereau estoit qu'il auoit reculé pour mieux sauter:Et aussi pour rafraischir vn peu la canalerie, fort harassee, & qu'il luy fasoit sept ou huict iours pour la remettre : Que dans la Beausse il n'y auoit ny riuiere ny bois dont il se peust servir, ny fauoriser sa petite troupe, l'approchant des ennemis, qui ne destroient rien rant (comme il estoit bien aduerty par bons espions & gens qu'il auoit parmy eux) que de l'inuestir dans vn logis, & apres auec toute leur armee le venir forcer ou contraindre de faire vne ho teuse retraitte. Ceste volonté & affection leur estat de beaucoup accreue depuis la charge qu'il leur auoit faite à Vilmory, que d'ailleurs son frese Mon-sieur le Duc du Mayenne auoit en plusieurs aduis, des mendes & pratiques qui le faisoient dans son gouvernement : & que Monfieur d'Aumal-le, pour certaines particularitez, ne se pouvoir pas ioindre en l'armée du Roy , dont la Majesté sçauoir les causes: Qu'ayant pourueu à routes ces choses,il ne faudroit de le redre au plustoft pres la Majesté. Et remporta ledit Sieur de Dinteuille ceste response : & se passerent ainsi huict ou dix iours, pendant lesques ces Princes delibererent ensemble: & fut resolu que Monfieur du Mayenne retourneroit en son Gouvernement, avec partie de ses troup? pes, pour la seurcté d'iceluy, & rompte les pratie? ques qui l'y faisoient! Que Monsseur d'Anmalle se retireroit chez luy, faissant de ses forces, autant qu'il pourroit aupres Monsieur de Guyle: ce qui fut executé, comme il auoit esté arresté about a que la comme de la comm

Le dix-sept ou dix-huictiesme du mois de Nonembre, Monsieur de Guyse arring à Estampes, & (Messieurs du Mayenne & d'Aumalle separez d'aucc luy) pouvoit avoir encor douze cens lances, & trois ou quatre mil harquebuziers. Il apprint audit lieù d'Estapes, q l'armee ennemie l'estoit logee assez au large & escartee, qui à trois lieues les vns des autres, qui à quatre & cinq. Pour ne perdre point de temps, des le lendemain il envoya le Sieut de la Chastre recognoistre le logis des ennemis, d'un co-sté, & le Sieur de S. Paul de l'autre: l'un & l'autre dónerent en deux perites villes : sçauoir, le Sieur de la Chastre à Othon, où y auoit logé sept ou huict cornettes de Reistres, & en rapporta bon tesmoignage, tant par la cognoissance qu'il en sit, que par des prisonnéers qui surent ainenez: S. Paul aussi dona dans vue autre petite ville pres & par de là Guillerual, où estoient logez les Suisses, dont aussi il ramena des prisonniers. Fut mis en conseil sur le rapport des Capitaines susnommez, si on donneroit la nuice en l'vn desdits logis & sur trouné plus à propos celuy d'Othon, on estoient logez les Reistres, lieu fermé, qui l'embloit bien deuoit rendre le combat plus furieux: mais aufli le meurtre des ennemis plus grand, fi l'on pouuoit tronver moyen d'y entrer : ce qu'on pretendoit faire, par le moyen d'vn perart, ou deux, & fut la chose ainst resolue pour le lendemain:mais il arriua qu'ils deslogerent ce messue iour, sauanças plus auant dans la Beausse, du costé de Chatres. Monsieur de Guyse neantmoins ne perdoit l'assection ny l'esperace d'executer quelque grand saict, avant que soindre le Roy, qui l'en pressoit, & lequel estoit dessa à Bonneual, à la teste des ennemis en pleine Beausse, sans chose ancune qui peust apporter empeschemét aux armees de se voir & choquer, quand l'yne des deux parties en auroit la volonté, I 'iii

qui apportoit vn esguillon tant plus grad à ce-Prince, de se hazarder à bon escient, plustost que d'apo procher le Roy, qu'il n'eust tenté la fortune, dont Dieu luy donna bien-tost l'occasion: Et pour entreprendre ce qu'il auoit de long temps dans la teste, qui estoit de donner auec toutes ses forces en vn logis des ennemis, & en mesme temps gangner leur place de bataille, estimant que l'ayant gangnee il apporteroit vn grand estonnement à leur armee, & non moindre perte & dommage à ceux qui viendroient en file & desordre, desbandez, comme l'on fait ordinairement aux chaudes alarmes. Et auoit tousiours dés le premier jour qu'il veit les ennemis en cette fantasie (comme vous auez veu par ce difcours) iusques à ce qu'il en eust tenté l'effect pres Leninuille, fils ne fusient deslogez: & derechef comuniqua audit sieur de la Chastre ceste mesine chose:lequel il enuoya à Dourdan cognoistre si ce lieu seroit propre & commode pour approcher quec seureté les ennemis: & aussi faire recognoistre comme ils seroient logez, & les moyens de pouvoir entreprédre sur eux, & executer le dessein cy dessus declaré.

A la verité les effects de Dieu sont admirables, pouuat (quand il luy plaist), d'vn clin d'œil ruiner & foudroyer les plus superbes choses du monde (ainsi qu'il apparoistra par ce discours) adioustant au voi lontez de ce Prince toutes les commoditez & facilitez qu'il eust peu desirer, pour sa gloire, & la ruine de ceste armée estrangere: ostant à ses ennemis l'entendement de se services moiens qu'ils auoient de se pouvoir garantir.

Le leudy dix-neufiesme Nouembre le Sieur de la Chastre laissant monsseur de Guyse à Estampes, ar-

riua à Dourdan, auec enuiron trois cens lances, & cinq ou fix cens harquebuziers à cheual: & apprint à son arriuee qu'il ne faloit pas faire long chemin pour auoir nouuelle des ennemis, qui n'estoient logez les vns qu'à deux petites lieux de là,& les autres à Auneau, deux lieues plus outre, & au delà tirant à Chastres: Il y enuoya le Sieur de Vins, qui commandoit à la cauallerie legere, loger à vne lieuë & demie fur le chemin d'Auneau, & les harquebuziers à cheual aussi : luy demeure auec le reste dans Dourdan, qui est vne petite ville de trois cens feux, fermee de muraille de six ou sept pieds de haut, sans fossez, ny pont leuis aux portes. Elle est couverte du costé dudir Auneau de quelques bois raillis, qui approchent iusques aupres de la ville, & y passe vn petit ruisseau que l'on peu sauter, ou enjamber aisément, qui coule le long d'vne vallee fort plantee de Peuples, Aulnes, Saules & autres arbres desirans le marest, qui se rendent iusques vers Olinuille & Chastres souz Mont-l'hery, qui estoit la plus grande commodité qui se trouuoit en ce lieu, pour y loger l'armee Catholique : d'autant que leur harquebuzerie estoit meilleure & plus forte que celle des Huguenots, elle pourroit estant chargee par les ennemis faire la retraitte par ce valon: Ledit Sieur de Vins enuoyé, comme dit est, en son logis, y trouua quatité de Reistres qui le fourrageoiet, & arriua presque aussi-tost sur eux, come ils l'euret apperceu: qui les mit en desordre & fuite, les vns furent tuez, les autres prins: ceux qui eschapperent donnerent l'alarme chaude à sept cornettes de Reistres logez à Aunay, souz Auneau, lesquels aussi-tost à cheual, marcheret iusques au logis dudit sieur de Vins, qui auoit bonnes

vedetes en la plaine: desquelles ayant esté aduerty; il monte à cheual, & enuoye incontinent faire scauoir à ses harquebuziers à cheual; & les fait approcher de luy, se tenant en bataille deuant son village; proche des bois de Dourdan, & ses harquebuziers fur le bord du bois, faisans si bonne mine, que ces sept cornettes ne les oserent enfoncer ny approchet de deux harquebuzades (qui est la chose du monde qu'ils craignent & redoutent le plus) Ayans demeuréainsi quelques heures en bataille les vns deuant les autres, lesdits Reistres sonnerent leur retraitte, & la firent quant & quant. Et ledit sieur de Vins se logea au mesme village, auec ses harquebuziers à cheua!, si serrez, qu'il estima sy pounoir tenir seurement auec bonne garde: & dona aduis du tout audit sieur de la Chastre, & de ce qu'il auoit apprins des prisonniers, & luy enuoya la liste des logis que tenoient les ennemis: & entre autres comme le Baron de Dothna estoit logé dans le Bourg d'Auneau; sans avoir le chasteau à sa devotion : duquel ie vous veux descrire l'assiette, pource qu'elle sert à la suitre de ce discours. Et vous diray que c'est vn tresbeau & fort chasteau, assis dans la Beausse, qui a d'vn des costez vn grad estang, dont la chaussee done insques à l'vne des portes du bourg, qui est fermé de petites murailles, sans fossé qui vaille, ny pot leuis aux portes: cest estang fait par son cours vn perit ruisseau, planté par les riues de toutes sortes d'arbres qui ay. ment la moiteur, & ne se rend pas gueable par tout: & où il y a passage, ce sont moulins & villages que les Huguenots tenoient lors à plus de deux lienes au dessouz : A vne des queues dudit estang (qui est grand) il ya vne chaussee qui trauerse tout le marest,

& fe

& se vient rendre dans vn petit bois, qui est la garanne du chasteau, à l'endroit d'vne porte d'iceluy,

pour l'aisance dudit lieu.

Come le baro de Dothna arriua audit logis d'Auneau, il y eur de ses Reistres, qui doneret insques sur la porte de la basse-court (qui est entre le bourg &le Chasteau) assez grande & spatieuse, & où les habitas dudit bourg auoiét retiré la plus part de leur bestial, que ces Reistres desiroient audir, & d'arriuce dónerent iulqu' à la porte, dôt à coups d'harquebuzes ils furet rechassez & tuez deux ou trois sur la pla ce: qui donna occasion au Baron de Dothna d'enuoyer vn trompette & trucheman parler au Capi- 🤏 taine du Chasteau, auec menaces, que si l'on tiroit plus,qu'il brusseroit tout,&mesmes enuoyeroit que rir l'artillerie, pour battre ledit Chasteau: A quoy ledit Capitaine fit respose, qu'il ne craignoit point l'ar tillerie des Huguenots, cognoissant sa place suffisant te pour se conseruer, & que si l'o s'approchoit de la basse court, ou du Chasteau, qu'il n'espargneroit sa poudre pour les en repousser: & n'y eut autre traitté (quoy que veulent dire ceux qui desirent couurir leur faute par vne simulee paction) que celuy-là.

Le Sieur de la Chastre ayant appris tout ce que luy auoit mandé Monsieur de Vins, & apres auoir despesché le Capitaine Sainct Estienne vers le capitaine du chasteau d'Auneau (pour ce qu'ils auoient cognoissance ensemble) assin de l'admonnester de faire ce bon seruice au Roy & à la France, que de doner entree par sa place aux forces de Monsieur de Guyse, pour tailler en pieces ces Reistres aucc plusieurs promesses, que l'on n'oublie en telles choses enuoya aussi ledit Sieuz de la chastre la nuice

mesme du leudy, vn Gentil-home vers Monsieur de Guise, luy porter aduis de tout, & luy mandoit que le logis de Dourda estoit peu asseuré & de mauuaise garde: mais qu'il se pouvoir servir de ceste re-traicte cy dessus dicte, en cas de necessité: que les ennemis estans proches (comme ils estoient) il luy sembloir pour plus de seureté & pour moins d'embarassement s'il luy plaisoit de laisser les enseignes de gens de pied & tous les bagages entierement à Estampes, & marcher le lendemain, qui estoit le Vendredy vingt-cinquiesme dudit mois, audir lieu deDourdan, il trouueroit sur le midy la responce du Capitaine d'Auneau, & aussi le rapport de plusieurs qu'il auoit enuoyez dehors, pour apres auoir repeu, entreprendre la nuict melme ce qu'il ingeroit à propos. Ledit Sieur de Guise tronua bonne ceste opinion, & renuoyant le mesme Gentil-homme vers ledit Sieur de la Chastre, l'asseura qu'il seroit le l'endemain à midy à Dourdan, come il fut : Et y arriua ledit iour du Vendredy vingtiesme dudit mois de Nouébre, auec deux milles cinq cens harquebusiers cinq cens corselez, de mille à douze cens cheuaux, fans bagage quelconque. Et ayant attendu S. Estienne, auec la response dudit Capitaine d'Auneau, iusques à vne heure apres midy, l'on ingea bien qu'il estoit retenu par quelque accident. L'on enuoya loger bien serree la cauallerie, au derriere aux villages plus proches, & toute l'infanterie dans quelques maisons, aux faulx-bourgs dudit Dourdan, attendant ledit Capitaine Sainct Estienne, qui n'arriua que sur les huict heures du soir, disant avoir esté remis dans le Chasteau d'Auneau par plusieurs fois, estant la plaine toute semee de Reistres, tant pou

fourrager que pour courir apres nos cheuaux legers qui d'heure à autre les tenoient en à larme : Et rap= porta la bonne volonté dudit Capitaine d'Auneau, qui promettoit receuoir tout ce qu'il plairoit à Mosieur de Guise y enuoyer: Asseurant qu'il faisoit bon donner à ces gens là, qui se tenoient mal sur leurs gardes.L'heure s'embla incommode estant nuict,& ja tard, pour aduertirla cauallerie logee à deux lienës de là, la plus part, & qu'il valoit mieux la remettre au l'endemain, ce qui fut ainsi executé. Et le Samedy l'on donna vn rendez-vous à toutes les compagnies tant de pied que de cheual, à vne cense qui est à my chemin de Dourdan à Auneau, dans le milieu de la plaine, appellee la Cense de Vileré, où rien ne manqua de se trouuer, chacun deliberé de bien faire: mesme l'infanterie, laquelle se despouilla en la belle plaine (bien qu'il fist fort froid) pour mettre les piquiers leurs chemises sur leurs corselets, & les harquebuziers sur leurs pourpoints.

Deux Gentils hommes du pays, l'vn nommé Buc, & l'autre le Bays auoient esté enuoyez vers le Capitaine d'Auneau dés le Vendredy, pour le tenir aduerty que sans faillir l'on iroit le l'endemain, & qu'il se preparast à la reception : lesquels arriverent à la mesme heure (qui pouvoit estre minuict) & rapporterent que plusieurs Gentils-hommes retirez auec leurs semmes, familles & biens dans ledict Chasteau, pour leur seureté & conservation, craignoient, que receuant tant de forces dans ledict Chasteau, il leur en prinst mal, & qu'ils supplioient Monsieur de Guyse se contenter de la basse-court seulement, qui seroit liuree, & dans laquelle l'on pouvoit entrer, sans se servir du Chasteau: duquel

toutesfois l'on receuroit toute faueur,& en cas de necessité l'ouverture. Il arriva d'ailleurs vn paysant, de deux qui auoient esté enuoyez au chasteau vers le capitaine, qui raporta comme son compagnon auoit esté prisen la garéne, chargé de lettres dudit ca pitaine, responsiues à celles qu'ils auoient portees, que luy s'estoit sauué comme il auoit peu, & qu'il y auoit garde dans ladite garenne: qui troubla fort Mo sieur de Guyse, de sorte que toutes ces difficultez rompirent l'entreprise, pour ce qu'il fut allegué, qu'estans descouverts, il n'y avoit point de doute (le ingeant par la raison & denoir de la guerre) que les Reistres ne fussent à cheual, & mesine le reste de l'armee aduertie que le pays estoit pleine raze, tresaduantageuse & commode aux Reistres: que quand bien ils ne s'auanceroient plus auant que la teste de de leur logis, faisans approcher (comme ils pouuoiet) leurs Lansquenets, logez à demie lieuë d'eux dans ceste garenne, & sur la chaussee de ceste aduenue du chasteau, par où il failloit passer, le iour venant à poindre, & ayant quatre lieues de retraicte en pleine, ou l'infanterie estoit perduë, ou il falloit ha-zarder vn combat pour la retirer, dont l'yssuë ne se pouuoit promettre bonne, quad bien il ne se trouue roit difficulté qu'au combat du logis, où il y auoit autant ou plus d'homes à la defenseque d'assaillans, & s'il y auoit tant soit peu de resistance, qui donnast loisir aux plus proches de venir au secours, si les Catholiques n'auoient affeurance du chasteau, à la verité il les falloit tenir pour perduz: & mesmes que les foldats, sans telle asseurance, n'iroient au combat qu'en crainte & frayeur. Ces dangers & considerations firent prendre deliberation de se retirer, au

grand regret du General & de toute la trouppe : & mesme de l'infanterie, que l'on renuoya à peine au logis. Et dans le Chasteau d'Auneau futet de rechef enuoyez les mesimes du Bays & Buc, auec deux Gétils-hommes de Mosseur de Guise, pour fare cesser ces difficultez &faire en sorte que le Capitaine vint parler audit Seigneur Duc, & pour ne perdre l'occalió de quelque autre exploit, estat porté & acheminé si avant, Monsieur de Guyse laissa dans ladite ferme en embuscade ledit Sieur de la Chastre, auec cent cinquante lances d'ordonnances de sa copagnie, de celles de Messieurs de Vaudemont & de Bois-Dauphin & autres, cent cinquante lances de cheuaux legers. Ledit Sieur de Guyle demeura en un autre village à mil pas de là, nommé le Breau sans nappe, auec equiton six cens cheuaux, auaçant à autres mil pas de luy Monsieur d'Elbeuf, auec deux cens chepaux. Et ces trois embuscades ainsi logees, coposees comme en triangle, au milieu d'vne belle & grande plaine:Le sieur de Vins sut depesché, auec soixante chevaux pour recognoistre insques aux portes d'Auneau les chemins & aduenues, si les ennemis faisoient garde: ou battoient point l'estrade, & aussi pour couler dedans ceux que l'on y enuoyoit. Il fit fort dextrement tout ce qu'il luy estoit ordonné, & se retirant sans avoir rien trouvé en allant, rencontra sur le poinct du jour environ quatre cens cheuaux Reistres, qui estoient entrez par le bout d'vn village, & luy par l'autre : chacun tinst bride vn temps, pour ne le recognoistre si promptemét, qui donna temps & loisit au Sieur de Vins (bien auisé & bon Capitaine, comme il est ) de faire retirer ceux qu'il auoit auec luy les plus mal montez,

& apres eux se mit à saire la retraice, qui donna tant de courage aux Reistres, que les poursuiuans trop chaudemét & inconsiderément se trounerent das l'embuscade où estoit le dit Sieur de la Chastre, qui sortant sur eux, se virent tout à coup aussi perdus qu'estonnez, & sans rendre cobat se mettent à suir honteusement deux les Catholiques, lesquels sans perdre vn seul home, tuer et bien cent ou six vingts hommes & plusieurs prisonniers qu'ils prindrent.

Ceste trouppe (comme i'ay entendu) estoit esseuë pensant faire ce que l'on leur fit : pour ce que chacun iour les Catholiques les auoiet fort harassez & prins plusieurs de leurs fourrageurs : & pour s'en venger auoient choisi ceste trouppe en quatorze cornettes, pour faire vne embuscade au mesme lieu où estoit ledit Sieur de la Chastre, comme il a esté apprins par les prisonniers: & aussi que c'estoient tous hommes signalez. Le Baron de Dothna les enuoyant recercher par vn sien trompette demandoit quarante six Gentils-hommes de nom & d'armes, il ne s'en trouua que neuf prisonniers, le reste estant mort sur la place, où il y auoit dix hommes de maison, entre autres vn de celle de Mansfel, vn neueu de l'Eucsque de Colongne marié, leur Feltre Mareschal, qui est le premier & plus honorable estat apres le General, deux Lieutenas Collonnels, deux Capitaines de compagnies, trois cornettes, lesquels morts ledit Baro de Dothna renuoya querir l'apres disnee & les sit enterrer selon leur mode, le plus honorablement qu'il peut au lieu d'Auncau : qui fut cause de les y faire seiourner, & aussi la venue de Monsieur le Prince de Conty, qui en ce mesme téps arriua en l'armee des Huguenots, fort peu accompagné: auec ce que de luy mesme il a beaucoup de desfaut de nature, combien qu'il soit (comme sont tous ceux de Bourbon) braue & courageux. Il est de fort petite stature, sourd & si begue qu'il prosere peu ou point de parolles: l'ay sceu qu'il ne contenta pas les Reistres, come ils esperoient, apres vne si longue attente d'vn Prince du Sang, tel qu'ils se le promettoient & se l'estoient figuré tout autre chose que ce qu'ils en virent: Nonostant il sut recueilly & sestoyé du Sieur de Bouillon & des Reistres, & receu à la charge & conduité de l'armee, qui luy sut

deferee par ledit sieur de Bouillon.

Ce pendant que le Baron de Dothna s'amusoit d'vn costé à enterrer ses morts, à receuoir ledit sieur Prince de Conty & à s'enyurer tous de compagnie (comme ils firent à leurs festins) monsieur de Guyse qui ne les auoit pas encores à son gré maniez, comme il desiroit, voyant qu'ils ne deslogeoient point d'Auneau, bien qu'ils eusseut eu entiere congnoissance de toute l'entreprise que l'on auoit faite sur eux le Samedy, qui auoit esté differee par les aduis qui en estoient tombez entre leurs mains, se resolut, apres auoit parlé au Capitaine d'Auneau & prins asseurance de luy (moyennant vn bon present que ledit Sieur Duc luy fit ) qu'il receuroit dans le dit Chasteau tout ce qu'il luy plairoit d'enuoyer, de remettre sus ladite entreprinse, qu'il communiqua à quelques vns de ses principaux capitaines, qui y apporterent beaucoup de disticultez, tant sur la certitude qu'auoient les ennemis des forces que pouuoit auoir Monsieur de Guyse, que de son dessein, à quoy ils auoient eu assez de temps & de loisir de se premunir & bien pouruoir à leur seurcté: qu'il sembloit plussost leur seiour & attente audit Auneau estre pour l'artirer en ceste belle plaine, que pour crainte qu'ils deussent auoir de ses forces. Le bon-heur dudit Sieur Duc & l'asseurace qu'il print en sa bone fortune le sir perseuerer en son opinion, & vainquant toutes ces dissicultez & remostrances (bien qu'elles sussent raisonnables) passa outre & resolut d'executer ladité entreprinse la nuict du Lun-

dy vingt-troisiesme Nouembre.

Le discours de ceste derniere notable execution merite d'estre déduit selon les poincts & regles qui y furent obseruees. Ce Prince donc aussi religieux que bon capitaine, s'estant reposé sur le Sieur de la Chastre de donner le rende-vous aux compagnies, tant de cheual que de pied, & la forme que chacun anoit à garder en marchant, s'en va à l'Eglise, saisant vœuz & supplications à Dieu, recognoissant que les victoires sont en sa main, & qu'il est le Dieu des batailles:onit Vespres fort deuotement,& fit descendre le Corpus Domini, laissant son Ausmonier pour continuer les prieres toute la nuict, auec le Clergé dudit lieu de Dourdan:Et ordonna que l'ô dist trois Messes, comme le jour de Noel. Ie vous ay touché ce point (Madame) pour ne rien oublier de ce qui est venu à ma cognoissance : & aussi pour ce que ledit sieur Duc & toute son armee (comme generalement toute la France) n'attribue ceste belle victoire & ruine de ceste si grade armee, qu'à la seule puissance de Dieu, pour le peu d'hommes qui se font employez en ceste execution.

Sur les sepr heures du soir ledit Sieur de Guise arriua au rendez-vous, qui estoit au sortir du bois de Dourdan, dans vne belle plaine, où il trouua ledit

Sieur

Sieur de la Chastre qui avoit donné ordre à toutes les trouppes, comme elles devoient marcher: & se trouverent en tout, estre de mil à douze cens cheuaux & trois mil hommes de pied. Le sieur de Vins marchoit à la telte auec enuiron trois cens cheuaux legers: Le sieur de la Chastre le soustenoit, auec deux cens cheuaux: Et le surplus souz Monsseur de Guyse & Monsieur d'Elbeuf. L'infanterie marchoit sur la main droicte de la cauallerie, qui la couuroit de la venue des ennemis das ceste grade plaine, qui estoit sans aucun arbre ny buisson, & la nuice si obscure qu'elle rendit le chemin plus long & ennuyeux, faisant perdre plusieurs fois les files, les guides mesmés ne se recognoissans pas: mais la diligence de Monsieur de Guyle & dudit Sieur de la Chastre, redrefsoit incontinent cest erreur, remettans chacun en son ordre: & ne visiamais mieux marcher, ny faire plus grande aduance.

Enuiron les quatre heures apres minuict les Catholiques arriverent à vn vallon à mil pas dudit Auneau, sur le bord de ce grand estang, dont ie vous ay d'escrit l'assiette cy devant, & où est ceste chausse qui conduit en la garenne dudit Auneau, & dans le chasteau: là on sit alte, pour entendre s'il y auoit point de bruit. Le sieur de la Chastre qui s'estoit aduancé iusques sur le bord de la garenne rapporta qu'il auoit entendu les trompettes & qu'il estimoit que ce sust, ou pour partir, ou pour auoir (peut estre) eu aduis d'eux: qui sit depuis plus haster les gens de pied à gagner ceste chausse, pour estre en seureté, & que rien ne leur peust empescher l'entree du chasteau, qui leur sus fauorable, sans que les ennemis en prinssent aucune alarme: Et les ayas

le sieur de Guyse luy-mesme conduits iusques à la fausse porte, & admonnesté les Capitaines & soldats, qui passoient deuant luy de sile en sile, de bien faire leur deuoir, & en bien combatant se rendre maistres du logis & d'vn tres-grand butin qui leur estoit tout preparé, il se retira à sa cauallerie, qui faisoit alte au bout des marests, en l'attendant: où apres estre arriué & cognoissant n'estre plus la necessaire, ayant mis son infanterie dans le chasteau, attendant l'euenement de leur execution, se retira

plus auant dans la plaine.

Le Sieur de Sainct Paulauoit le commandemet & charge principale de la conduitte & execution de ceste entreprinse: encores qu'il y eust d'autres maistres de camp, comme Ioannes, Pontsenac, Gyé, & autres. Estás entrez dans la basse-court du chasteau, il logea premierement cinquante hommes dans le chasteau, pour en tout cas & euenement s'en asseurer & seruir dans ladicte basse-court, qui est grande & spatieuse. Il ordonna en ceste forme comme l'on donneroit, ayant fait desmurer la grande porte qui entroit dans ledit bourg: Il prit pour luy à donner dedans la rue où estoit logé le Baron Dothna: & fur la main droitte, à vne autre rue, y ordonna le sieur de Pontsenac, auec cinq cens harquebuziers qu'il auoit de son regiment: & laissa quatre ou cinq cens harquebuziers das ladicte basse-court pour le receuoir & soustenir, s'il en estoit besoing, ou pour rafraichir les premiers, selon la necessité & iettant deuant luy deux ou trois cens harquebuziers pour faire la poincte, se mit à les suyure. Entre laditte bassecourt & les maisons de la ville, ya vine esplanade d'enuiron cinquante pas à l'entree des deux rues,

qu'ils trouverent fermees de charettes & tonneaux, & des Reistres à pied qui les desfendoient avec des escoppettes: quelques quarante chevaux donnerét dans ceste place aux premiers aduancez, qui leur ap. porta de l'effroy, & mesmes reculerent iusques à la porte de laditte basse-court, à quoy ledit sieur de S. Paul arriua aussi tost, & par exhortations & menaces de tuer de sa main ceux qui craindroient l'espee des ennemis, leur fit entendre qu'il falloit se resoudre, ou à mourir tous ce iour là, où à gaigner ce logis & se faire tous riches. Mais à son exemple & de tous les Capitaines, leurs Lieutenans, Enseignes, ou officiers qui estoient en nombre de plus de deux cens, y firent plus que les paroles & menaces. Car apres auoir ordonné à celuy qui demeuroit dans la basse-court de ne receuoir aucun qui retournast, mais plustost leur tirer des harquebuzades, comme aux ennemis mesmes: ils donneret teste baisse dans ces barricades, qui furent aussi tost abbatues, auec les picques faulcees & emportees, passans au fil de l'espec ceux qui s'y trouuerent. Et les Reistres bien estonnez:mais encores plus lors que venas aux portes, pour penser sortir, ils les trouueret gaignees par des hommes ordonnez par ledit Sieur de S. Paul à cét effect. En ce deses poir quelques vns se precipi-toient miserablement, & aucuns se sirent tuer en combattant brauement dans les ruës, les autres das les places, les autres dans les logis, d'où le feu les faisoit aussi tost sortir & tomber dans les armes de leurs ennemis, qui n'en espargnoient point tant qu'ils virent qu'il y auoit de la resistance, qui dura enuiron vne bonne demie heure: Et commença le combat à la pointe du jour, qui fut tresinegal, pour

y estre la perte des Reistres, de plus de deux mil hómes morts, & de quatre à cinq cens prisonniers, deux mil cheuaux tuez, ou gaignez, & neuf cornettes, dont l'vne sur gaignee par le Baron de Soualcébourg à la cópagnie, lequel aux premieres harquebuzades qui se tirerent sur le poinct du iour s'aduaça entre Auneau & Aunay souz Auneau auec trente cheuaux seulement, & se iettant das vn petit bois, vne cornette de Reistres venans incontinent au bruit sur à l'improuiste chargee par luy, & auec peu de resistance emportee, sans perte des siens, chacun r'amenant son prisonnier: la peur ayant tellement sais le cœur de ces Reistres, qu'ils n'eurent le cou-

rage de se dessendre.

Le Baron de Dothna à la premiere alatme (comme on dit) se sauva, suy douziesme, auant que les portes sussent gaignees: & de tout ce qui estoit dedans ce logis n'en eschappa que ce petit nombre, que tout ne sust pris ou tué, auec tous les chariots, armes & bagage entierement: & se trouua pour l'educations de la comme l'aduantage des victorieux, que les Reistres estoient tous prests à partir, & n'attendoient que le jour à poindre, estans les chariots dans les ruës, les cheuaux tous attelez, & la pluspart desdits Reistres à cheual, non pour doute qu'ils eussent de la venue qu'ils eurent: mais pour ce qu'ils vouloient marcher (comme l'on a sçeu par les prisonniers) & estoient resouz de se retirer en Allemagne, congnoissans les tromperies des chefs Huguenots, qui les conduisoient & entretenoient par faulses nouuelles, ayans manqué à tout ce qu'ils leur auoient promis: à quoy ils estoient encores conuiez de crainte & peur, par la pratique que le Roy faisoit

auec leurs Suisses, qui les abandonnoient & auoient commencé à traicter auec sa Majesté. Mais les pauures gens partirent trop tard d'vn iour, pour leur

profit.

Voila vne partie du dessein de Monsieur de Guyse execuré tres-heureusement, mais l'autre de gaigner la place de bataille, comme il l'auoit tousiours desiré, & qui à la verité, sans attendre plus loing, eust esté la ruine entiere de ceste armee, estans leurs Suisses desia d'accord auec le Roy & prests à se separer d'eux, ayant esté ceste pratique tramee de longue main, premierement par Monsieur de Neuers, qui l'eust bien plustoit mence à fin, sans l'infortune de sa blesseure. Leurs Lansquenets estoient si petit nóbre, & presque tous malades, qu'il n'en falloit faire estar. Ce qui restoit des cornettes de Reistres auoiet esté la pluspart bien albrenees à la charge de Vimory: Quant aux gens de pied François, ils n'en auoiét presque plus: Et pour le faire court, apres ceste secousse chacu d'eux ne pensa qu'à se sauuet & s'esloigner du danger qui les talonnoit. La cause donc qui empescha ledit sieur de Guyse de faire entierement tout ce qu'il avoit en pensee, fut lassiette seule du logis, & qu'il ne pouvoit passer en la place de bataille des ennemis, sans lour donner alarme, à cause du marests descrit cy deuat, où il n'y auoit ponts, moulins & guez qu'il n'y eust des Huguenots logez, qui eussent donnéalarme, si l'on eust genté le passage, & peut estre, fait perdre le certain pour l'incertain. Les gens de pied demeureret deux iours à piller les chariots, & faire la recherche de ceux qui estoient cachez dans les caues: & les vis arriver le leudy d'apres ceste execution, à Estampes, où s'estoit apres acheminé ledit sieur de Guyse, pour recueillir les enseignes des gens de pied qu'il y auoit laissees, & tous les bagages de sa petite armee, & contay cinq cens corselets à cheual, & mil harquebuziers marchans tous à la Reistre, chacun la paire de pistoles à l'arço de la selle: pour ce qu'ils trouueret les cheuaux tous ainsi sellez & gatniz, sans y comprendre les Capitaines & officiers, & ceux qui avoient quitté leurs

compagnies pour se descharger de leur butin.

Celà ainsi heureusement executé, Monsieur de Guyle se voulut despescher vers le Roy, pour luy doner aduis d'vn si auantageux succez, qui apportoit tant d'vrilité à son Royaume: & iugeant que telle charge meritoit bié d'estre commise à personne suffisante & notable, la donna an sieur de la Chastre, tant pour le gratissier, que pour ce que nul autre mieux que luy ne pouuoit rendre meilleur compte par le menu de tout ce qui auoit reussy, tant à Âuneau que durant le voyage. Il partit donc le Ieudy d'apres ceste deffaicte, & alla trouuer le Roy à Artenay, qui en auoit ja entédu les premieres nouuelles, mais non les particularitez, lesquelles il escouta tres-volontiers, & y prenant plaisir les fit redire audit sieur de la Chastre plus d'vne fois,ne se pouuant lasser de louer infiniment Monsieur de Guyse & les chefs de son armee : sans toutesfois faire aucun present au sieur de la Chastre, ainsi qu'il estoit bien couenable,& (come l'ay entendu dire) qu'il s'attendoit bien d'en rapporter vn tres-bo, le meritat pour ses services, & pour avoir mis és mains de sa majesté neuf cornettes gaignees sur les ennemis, auec autat d'honneur qu'en receut iamais Prince Chrestien.

Ce pendant les vns s'esionyssoient espris du contentement de leur victoire : & les vaincus estonnez de leur desastre, & empeschez de pourueoir à leur seureté. Apres vne si lourde perte, & la separation de leurs Suisses, qui les abandonnerent ce iour mesme, resolurent de faire deux ou trois grandes traictes, pour essoigner les forces du Roy, qui estoient dans la Beausse, non plus loing d'eux que de dix ou douze lieuës, & celles de Monsseur de Guyse encores plus pres. Ils partirent donc incontinent, & à la mesime heure, en grande haste, apres auoir enterré deux grosses pieces d'arrillerie qu'ils auoient encores, ayans auparauant quitté les deux autres, apres la prinse de Chasteau-landon: Ils firent vne traicte de huict ou dix lieuës sur la mesme brisee qu'ils estoiet venus, tirans vers Lorris & Gyen: & à ce logis là laisserent tout le reste de leur artillerie, qui estoit douze ou quatorze petites pieces, pottans gros comme esteufs, & plusieurs petarts, meisches & quantité de pouldre, & tout ce qui leur restoit de bagage & leurs chariots, mettans sur leurs cheuaux d'artillerie & de charroy leurs chefs & plûs appa= rents Lansquenets, ne tenans plus ordre en leur retraicte:mais vne tres honteuse route & fuite,sans que rien les garantist que les longues traictes qu'ils faisoient, laissans à l'abandon & mercy des victorieux & des communes les mal-montez, malades & tout ce qui par quelque cause ou accident que ce fust, demeuroit derriere: mais ils n'eussent peu continuer, ny se garantir d'estre tous ruinez & perdus, sans la clemence & bonté du Roy, qui leur donna la vie, aux instances & supplications de son fauerit le sieut d'Espernon, à qui les Huguenots ont ceste obligation. Car à la verité, qui eust laissé suyure Messieurs de Mercur & de Nemours, & vne insinité de Noblesse qui les tenoiet de si pres, & auec telle assection qu'estans proches d'eux pour les attaquer le lendemain, sans doute ils estoient perdus. Mais lesdits sieurs de Nemours, & de Mercur euret tres-expres commandement du Roy de se retirer vers sa majesté, & laisser passer deuant eux ledit sieur d'Espernon, à quoy ils obeyrent, à leur grand

regret.

Monsieur de Guyse sçachant que le Roy marchoit au cul des Reistres, resolut d'acheuer-de les ruiner, & quittant son attillerie, les Suisses & le bagage de toute son armee, s'auança à la trauerse pour luy baifer les mains, & le trouua aupres de Lorrys. Le Roy le receut tres-humainement, & d'vn visage riant & fauorable, le mena auec luy iusques à Gyen, où il alla coucher, le fit loger au mieux qu'il se ponuoit, & traicter de sa cuisine: & le lendemain sa majesté continua son chemin sur la queue des ennemis, & monsseur de Guyse le conduisit iusques à Briare, & de là retourna à les trouppes, à fin de coupper chemin aux ennemis par la Bourgongne, pour gaigner leur teste: saisant approcher monsieur le Marquis du Pont auec douze ou quinze cens lances, & trois mil cheuaux Reistres qu'il auoit sur la riuiere d'Yonne, qui eust accablé trop aisément ces pauures milerables. Mais la faueur expresse que leur monstra ledit d'Esperno, traictat auec eux dés le iour qu'il les eust approchez à Marsilly les Nonains: leur fit festin public,ne parlant que de les caresser & festoyer, & boired'autant.

re d'autant, changeant la rudelle dont ils auoient au parauant esté maniez en toutes courtoysies & doux accueil: & fit reculler toutes autres troupes par comandement expres du Roy, auec promesse de les sauuer & garantir (comme il sit) ieur faisant donner pour les conduire en seureré jusques hors le Royaume, les sieurs de Sessac & Manuissiere, anec quelques compagnies d'ordonnances, & de gens de pied non sans murmure des Capitaines & gens d'honneur, & generalement de toute l'armee, qui avoit trefgrand mescorentemet de ceste desordonnee faueur à gens qui le meritoient si peu, ayans ruyné, brussé & saccagé toute la France: neantmoins par son authorité il passa outre, coulourant ce traitté à l'honneur du Roy d'vne quantité de drappeaux que rendirent les François & Lansquenets: Et quant aux Reistres, ils deuoient ployer leurs cornettes, sans les arborer dans les terres de sa Majesté: les Fraçois promettoient de satisfaire entierement aux Edicis du Roy, soit en sorrantson Royaume ou viuant Catholiquement: Et quelques vns dés l'heure mesme furent tres-ailes d'y estre receuz, & se retirerent vers sa Majesté pour abjurer leur religion: les autres suivirent quelques iournees les Reistres.

Monsieur de Chastillon auec enuiron cent ou six vingrs cheuaux, ne voulant point estre comprins dans ce traitté, choisit plustost le hasard de se retirer en Languedoc: il rencontra sur son chemin le Sieur de Mandelot, auec quelques sorces, qui le necessitement de venir au combat, sans qu'il eust autre volonté, que de se sauuer: La premiere rencotre sur assez rude & sanglante, pour le petit nombre qu'ils estoient des deux costez: mais les Catholiques gros-

fissans d'heure à autre, & les Huguenots s'affoiblissans, ayans tout le pays contre eux, chacun se sauur qui peut. Ledit Sieur de Chastillon à toute peine, gagna vne place à sa faueur: beaucoup des siens demeurerent morts sur la place, & forces prisonniers, entre lesquels y auoit huict ou dix Gentils-hommes signalez.

Monsieur de Guyse fut aussi tost aduerty de ce traité, comme pareillement monfieur du mayenne, un ne s'endormoit pas de son costé: pour se ioindre à son frere: mais le commandement du Roy suruenant arresta le cours, sinon de leurs affections, au moins de leur victoire: Pour celà ces pauures gens fugitifs ne furent exempts de mal: les communes le jettans sur eux, à toutes heures, les deualisans: tuans & assommans, sans aucune resistace: puisleurs chefs entr'eux iouans à la fausse compagnie, chacun se des roba, où il trouua sa commodité de se sauuer. Monsieur de Bouillon commença, puis apres Cleruant & Dom-martin : de mode que le Baron de Dothna & Boucq demeurez seuls en vie de tous les Collonnels, & sans aucun François, estans dans la Bresse, enuoyerent auec tres-humbles prieres & supplications vers Monsieur de Sauoye, afin qu'il eust pitié d'eux & leur donnast passage dans ses pays : ce qu'il leur accorda trop volontiers; & leur fur ceste commodité si grande & fauorable : qu'elle garătit si peu qui restoit de ceste troupe desconfite.

Encores que la fuitte de ces estrangers ait esté logue, ie ne la mets point par escrit: par ce que ce n'est
plus que honteule fuite & toute desolation, sans aucun essect genereux: les victorieux ne voulans mesmes ensanglanter leurs mains de ces pauvres deses-

perez, qui demeurans derriere, ou malades, tomboient en leur mercy, & estoient plussost secouruz; & aidez en leurs miseres, que tuez. Il est vray que les communes iustement irritees par les brussemens & saccagemens qu'ils auoient faits, les traitterent plus; rudement: Et se peut dire auec verité (comme ie l'ay ouy asseure) que de huich mille Reistres, six mille-Lansquenets & vingt mille Suisses, qui surent leuez en la faueur des Huguenots, il n'en est retourné en leur pays q quatre mille ames: & la plus part encor si malades, harassez de longues veilles & trauaux, & le battuz de cotinuelle frayeur, que presque tous ava trouué leurs aises, seront morts: comme il en est aduenu de Monsieur de Boüillon & de Cleruant à Geneue.

Monsieur le Marquis du Pont accompagné de Monsieur de Guyse, qui estoit sans charge & commandement, les ayans suiuis iusques pres la ville de, Geneue, & entendu par les lettres que luy escriuoit Monsieur de Sauoye, comme il auoit receu ceste troupe fuyarde en sa protection, & donné passage; au dedans de ses terres, aduisa pour rafraischir ses troupes harassees, de se jetter dans le Côté de Montbelliart, où seiournant lascha vn peu la bride auxi soldats de l'armee: qui mirent le feu dans ledit Coté, bruslerent cent ou six vings villages: prindrent Blamont & encores vne autre place dudit Comté, où ils laisserent garnison, se ressentant de ce que la Lorraine auoit esté mal traittee, & que le Comte de Montbelliart, qui est grand Caluiniste, a fait ce qu'ila peu pour fauoriser la leuce & passage de ceste armee estrangere, & de tres-mauuais offices au Due de Lorraine.

l'adiousteray encores ce que i'ay appris en plus sieurs compagnies des plus grans Capitaines de ce Royaume, où ie me suis trouvé, des fautes & impudences commises en ces armees. La premiere du costé des François Huguenots (comme l'on dit) a esté en l'eslection de leurs chefs, tant de leur nation, que d'estrangers, ayans comis à Monsieur de Bouillon la conduitte & charge de ceste grande armee, huy qui estoit vn ieune homme, sans experience Ty conduitte, sortant encores de dessouz l'aisse de sa mere: son frere encores plus ieune que luy. Les Capitaines qu'ils auoient parmy eux, encores que les vns fussent bien aagez, ils n'auoient pas plus de conduitte n'y d'experience pour celà au fait des armes, s'estans plustost occupez aux negotiations de lá Cour, comine Anges & Ambailadeurs pour ceux de leur party, qu'aux armes & à la guerre. Messieurs de Chastillon', Gnittry & Mouy, qui auoyent les. principalles charges; sont tenus pour valeureux. Guittry pour plus experimente mais si peu vnis ensemble & ne se voulans rien defferer I'vn à l'autre; le Chef principal n'ayant l'auctorité ny assez de suffisance pour les reigler, & reprimer telles dinisions, qu'en fin tout est allé en confusion. Mais les Huguenots alleguent vne raison, qu'ils n'ont pas des hommes à choilit &qu'ils le lernent de ce qu'ils peutient. Semblable faute a esté faitre parmy les estrangers, commettans à la principalle charge le Baron de Dothna, aussi peu experimenté que ces autres, n'ayant iamais en charge: mais seulement pour-ce qu'il estoit fauorit du Cazimir, qui le constitua en ceste grande dignité, (comme l'on dit) à deux effects, l'vn qu'il vouloit auoir l'honneur de le

rendre Chef de ceste armee, encores qu'il ne marchast point: l'autre, qu'il ne vouloit relascher quarante mil escuz qu'il auoit touchez, destinez à son entretenement, & de sa maison, au cas qu'il marchast: Il y commettoit ledit Baron de Dothna, comme son Lieutenant, qui est sa creature, & duquel il pouvoit en toutes choses disposer à sa volonté. Celà eust est rrespon, s'il eust esté accompagné de sussifance & des qualitez requises à si grand faix.

Voilà comme l'auarice bien souvet cause de grads maux, & les passions des Princes, quand ils se laislent tellement transporter à leurs volontez qu'ils viennent à auancer des hommes, qu'ils aiment, en des charges dont ils sont indignes: Estimans que la seule affection qu'ils leur portent les rend autat sufsissans comme il seroit besoin pour exercer telles dignitez: ce qui produit des essects tres-dommageables. A toutes autres fautes se peut trouuer quelque reme de: mais à celles de la guerre, la temerité & les mauuais conseils se payent sur le champ, par la perte d'une bataille, d'une Prouince, ou d'un Royaume.
A quoy vostre majesté doit bien penser, & à se rendre sage, par exemple de vos vossins, dont vous auez eu asse d'espreuue depuis vingt ans, & encores
par ceste derniere toute fraisch e.

Depuis le premier iour que ceste armee estrangere fut en campagne jointe ensemble dans la plaine de Strasbourg: insques au dernier, ils n'ont faitvn seul acte de gens de guerre, n'ayans marché cent lieues depuis le deuxiesme Aoust insques au vingtquatriesme Nouembre ensuyuant, qu'ils surent chargez à Anneau, mis en route & desconsits, s'estans amusez à branqueter les petites villes & bour

gades, sans entreprendre aucune chose notable sur vne poignee d'hommes ( par maniere de dire ) qui les a tousiours harassez, en logeans à deux, trois & quatre lieues d'eux, marchans come ils marchoient, seiournans comme ils sejournoient, sans qu'en vne si grande longueur de temps & de chemin il se trouve qu'ils ayent iamais fait aucune entreprinse sur l'armee de Monsieur de Guyse. Si au contraire ils eussent (comme ils pouvoient faire) avancé trois ou quatre mil cheuaux & quelques harquebuziers à cheual, pour inuestir le logis dudit sieur de Guyse: en des villages tous ouverts, ou Bourgs, qui ne valloient guere, il est certain & apparent qu'ils l'eus sent contraint de quitter honteusement son logis, auec la perte de ses bagages & infanterie, ou qu'ils l'eussent obligé à vn combat desauantageux & inegal. Mais Dieu pour certain leur avoit osté le iugement & vouloit chastier ceste superbe nation, inhumaine & barbare en prosperité: ayant oublié, ou ne l'ayant iamais apprins, que les armees qui entrent dans vn pays pour conquerir, doiuent se rendre maistresses de la campagne & cercher les occasions à toutes heures de combatre, apportans crainte & terreur en toute la Prouince, par leurs armes: & en effect ne laisser rien approcher d'eux qui leur puisse nuire, ou donner creance qu'on les ose regarder ny attendre. Et au contraire ils ont continuellement enduré depuis leur entree en Lorraine, iusques à leur totale deffaite, l'armee de leurs ennemis à leur costé, leuant plusieurs logis, prenant & tuant d'ordinaire de leurs soldats à la veuë de leurs enseignes, sans qu'ils se soient estendus que par leur grande multitude.

l'ay ouy remarquer entre autres ignoraces de ces Chefs, celle qu'ils commirent au pont Sainct Vincent, se laissans conduire à l'astuce & ruse de Monsieur de Guyse, qui prouidemment sit sa retraitte (comme vous auez apprins par ce discours) au passage de la riuiere de Modon du costé de l'armee Huguenotte, & puis la repassa sur luy aupres d'où estoit la place de baraille de son armee, qui n'estoit lors ny arriuee ny en bo ordre: & comme la chose ar riua à l'improuiste & sans que personne s'y attendift, il se trouua tres-grand desordre & confusion, n'y ayant qu'vne seule auenuë & passage fort estroit au sortir dudit pont, où les valets & bagages des -plus aduancez, se voulans retirer, & en ayans commandement, empeschoient que les gens de guerre ne pouuoient marcher n'y faller rendre en leur place de bataille, & n'y auoit pas le tiers de l'armee Carholique arriué: Mais la bonne mine du Duc de Guyse leur obscurcit la veuë, & les ayant attirez apres luy, ils n'eurent le sens & iugement assez bon pour cognoistre leur auantage & prendre ceste occasion à propos: Car s'ils fussent venus par la belle & grande plaine, tout à leur aisee (comme ils poutoient ) ayans assez de temps & de iour, sans doute ils pouuoient auec vn grand auantage contraindre l'armee Catholique à la bataille : Et sembloit à vois la contenance de leur armee, tant cauallerie qu'infanterie, qu'elle auoit tresgrand desir de combattre, & que tout le defaut doit estre ietté sur l'ignorance des chefs,

Celle qu'ils firent sur la riuiere de Loyre ne fut pas moindre, la trouuant lors qu'ils y arriuerent si basse qu'ils la pouuoient aysément passer à gué: quoy fai-

sant ils ioignoient sans doute ny aucune difficulté le Roy de Nauarre, par vn pays bon plein de viures & de toutes commoditez, sans forces ny gardes pour le conseruer & les empescher. L'estonnement qui se fust mis parmy les petites villes, venant tout fraischement les troupes de Monsieur de loyeuse, d'estre dessaites par le Roy de Nauarre, leur eust rendu l'entree & prinse d'icelles fort faciles. Et bié que le Roy fust en personne dans le Berry, il estoit encores pour lors si petitement accompagné (comme i'ay ouy affermer pour certain ) qu'il n'auoir point deux mil cheuaux & dix ou douze mil Suisses & enuiron six mil harquebuziers: Ils ne pounoiet mieux s'employer, ny plus honorablement, que côtre l'armee propre que le Roy conduisoit en personne, & laquelle sans dissiculté ils pouuoient combatre, le chemin du passage de ladite riviere de Loyre leur estant monstré par le Sieur d'Espernon, qui la passa à leur veuë auec cinquante cheuaux de front. Et si l'empeschement que leur pouvoit apporter le Roy, ou autres considerations les retengient, ils pounoient aller gaignerau dessus des sources, six ou sept journees plus haut, sans sauancer dans la Beausse (comme ils firent) donnant loisit au Roy de reunir les forces, & à monfieur de Guyse de les r'approcher & venir à rencontrer sa Majesté. Mais ils vouloient engresser leurs cheuaux des auoynes de Beausse & manger des allouettes: Et comme dit Chicot, bouffon du Roy, au Baron de Dothna, quad Monsieur Espernon le festoya, qu'il n'auoit mangé allouette qui ne luy cust cousté vn Reistre.

Vous

Y Ous auez veu par ce discours ce qui c'est passé à Auneau, combien de fautes, d'erreurs & d'ignorances ont esté commiles l'vne sur l'autre, par le Baron de Dothna, ayat aduis par lettres, par espios, & encores par l'effect du Dimanche precedent, du dessein que l'on auoit sur luy : à quoy il pouuoit aysément pouruoir, ou en deslogeant, ou en mettant des gens de pied auec luy; mais il ne peut euitet son malheur, Dieu le voulant ainsi, pour rabaisser la gloire de ceux qui combatoient contre son nom. Que l'ils eussent aussi bié tourné la teste droit à Paris, en estant le Roy& son armee esloignez, il est certain qu'ils y eussent apporté vn grand trouble, de la diuision, & quelque changemet dans la ville, y aiant des partis qui ne l'accordet pas bien: & quad ils eussent mis le feu à quelques villages & maisons de Messieurs de la Cour de Parlement (qui n'ayment pas à perdre, ne l'ayans pas accoustumé) il est certain qu'on leur eust fait quelque plus honorable composition, que celle qu'ils ont euë: Et en tout euenement, fils se fussent tenus vnis,& en deuoir de gens de guerre, la mort leur estoit plus honorable par vn combat signalé, deuat la principale ville du Royaume de France, qu'vne honteuse & malheureuse fin.

Les fautes du Roy de Nauarre, si elles ne passent celles de son armee estrangere, les suyuent de bien pres, & mises dans la balance, ie ne sçay qui l'emporteroit: Car apres auoir passé la riuiere de Loyre, pour recueillir le Comte de Soissons, il auoit lors de mil à douze cens bons cheuaux, & deux mil harque-buziers à cheual, qu'il auoit ainsi montez pour faire de grandes traittes, asin qu'ayant passé la riuiere de

N

Loyre à Montsoreau, il coulast le long d'icelle, pour venir au deuant de ses Reistres, par le mesme chemin qu'ils faisoient: ce qu'il eust fait sans difficulté pres d'Auxerre, où ils seiournerent quelques iours. Le Roy n'auoit lors vn seul homme ensemble, ny aucun corps d'armee serme, mais changeant ce desein, il retourna sort court: dont ie n'en ay peu apprendre les causes: sinon ce que l'on en dit vne assez froide, Qu'il auoit promis aux troupes de Guyenne d'ainsi le faire, & lesquelles auoiét protesté ne marcher pas plus auant que la riuiere de Loyre.

Il en sit bien encor une aussi lourde apres une si belle & peu sanglante victoire pour luy, ayant deffait & ruyné l'armee de mosseur de Ioyeuse, d'estre demeuré court sans venir au deuant de ses Reistres, ayant la campagne libre insques à Loyre, sans aucunes sorces qui se susseur peu opposer à luy: & a plus acquis de blasme, que d'honneur, en ceste victoire, pour s'estre seulement fait cognoistre cruel en prosperité, & ne sçauoir pas bien user d'une bonne sor-

tune.

l'ay appris de quelque Huguenot, mien amy, que ledit sieur Roy de Nauarre se promettoit que ceste armee estrangere combatroit, ou l'armee de monssieur de Guyse, ou celle du Roy: Si c'estoit celle dudit sieur de Guyse, c'estoit tout son dessein, & y pouvoit gaigner beaucoup, ayant auec luy presque ceux de la maison de Lorraine, & qui en portet le nom: d'ailleurs tous leurs principaux amis & plus assectionnez contre le party Huguenot. Et de ceux du Roy de Nauarre il n'y auoit vn seul Prince, & peu d'hômes de nom, & ne hazardoit que des estragers, contre ses principaux ennemis, qui ne pour-

roient deffaire vne telle puissance & grande armee, sans courre vne grande fortune,&se perdre au combat, ou la pluspart d'eux: en tout cas, la rencontre seroit si sanglante, que ce qui en reschaperoit auroit plus de besoin de s'aller rafreschir, que venir apres à luy, qui demeureroit entier auec ses forces, enflé d'vne victoire & auec des moyens d'auoir d'autres Estrangers, sil en estoit besoin : mais se promettant obtenir du Roy plustost & plus facilemet vne paix, si Messieurs de Guyle, & du Mayenne, ou l'vn d'eux fussent demeurez au combat, ou seulemet rompus: Car la moindre desauenture les ruineroit, au peu de. faueur qu'ils ont pres du Roy. Les mesmes considerations servoient encores à l'endroit du Roy, lequel en combatant ceste armee estragere, se pouvoir perdre luy-mesme, hazardant sa personne propre: ce que le Roy de Nauarre ne craignoit pas, estimant par ceste perte augmenter sa grandeur, & s'aduencer à la Couronne.

Vne autre consideration dudit Roy de Nauarre, estoit, les grandes promesses ausquelle ses Agens & Procureurs l'auoient obligé enuers ces estrangers, à quoy il luy estoit du tout impossible de satisfaire: & craignoit pour ces causes d'aborder lesdits Reistres, ayat desia passé par leurs mains plusieurs sois, & recogneu comme ils manient rudement ceux qui sont souz leurs mains, quand ils sont les plus sorts. D'auantage, il ne vouloit laisser le pays de sa coqueste, craignant d'y perdre des places, les laissant malfournies: y laissant aussi des homes il s'assoiblissoit d'autant: Il n'y vouloit pas aussi attirer les Reistres, & moins les Suisses, pour estre gens excessis en de-

spense, & qui eussent tout à vn coup ruyné le pays qui le nourrit, & tous les refugiez qui se sont retirez à luy. Mais ie ne sçay si ces raisons seront assez fortes pour le garder de blasine parmy les estrangers & y entretenir son credit, leur aiant manqué de toutes promesses. le n'en ay rien apprins autre chose, sinon plusieurs memoires qui se sont trouuez dans les papiers prins en ceste route & desfaite: & entre autres les procurations dudit Roy de Nauarre & Prince de Condé, pour la leuce des effrangers : la forme de ladite leuee, & à quoy ils se sont obligez enuers lesdies estrangers & le Cazimir: qui font (2 ce que i'enrends)si deshonnestes & au detriment & ruine du Roy, & de son Royaume, que sa Majeste en demeure grandement offensee pource, principalemet, que ledit Roy de Nauarre luy prometroit toute autre chose, & luy vouloir faite croire qu'il ne desiroit ces estrangers que pour reformer ceux de la Ligue : Et neantmoins il s'est trouvé par ces papiers & procu-rations qu'iln'y auoit que le Roy de plus interessé en tout & par tout, engage at son Royaume au paye-ment de toutes les dettes, tat présentes que vieilles, deues aux estrangers: & le partissant également en toutes ses charges, sunctions & dignitez, par moitié aux Huguenots, qui se le promettoiet ainsi par leur presomption, & de le faire passer & aualer au Roy & à toute la France. Mais Dieu en a disposé tout autrement, faisant cognoistre par les jugemens in-comprehensibles en ces dernières occasions, que les propositions des Rois, Princes & des Grands, sont vaines, se trouuans souuent trompez en leurs entreprises & deliberations, sa diminité en dispofant ordinairement tout au contraire, pour faire paroistre sa grandeur & puissance: comme il a fait en la faueur de ces Princes Lorrains, surprins au despourueu, & qui auec peu d'hommes & moyens, ne desesperans point de la grace de Dieu, se sont vertucussement opposez à tous hazards, auec courage & hardiesse inuincible. & le soing de suyure ceste grande armee quatre mois durant, surpassans toutes difficultez & trauaux, sans oublier aucune ruse ny actes de bons Capitaines, pour ruiner leurs ennemis, comme ils ont fait: & ce qui plus ses y a fait parnenir a esté l'union & concorde de ceste petite armee, en laquelle les Chess estoient aymez, obeys & respectez, & generalement tous liez ensemble d'un mesme zele, volonté & affection pour le service de Dieu & de leur Roy.

Et n'est pas sans cause (Madame) que vous haissez & redoutez ces Princes, car ils sont à la verité tres-Catholiques & grans ennemis de vostre religion, & non moins (comme ie croy) de vostre personne, depuis la mort honteuse que vous auez fait soussir à la Royne d'Escosse, leur parente: Et pense, que si les affaires de France ne les occupoient, ils chercheroient tous moyens de l'en venget: & estans aussi heureux en leurs entreprises, que belliqueux, vous

auriez à craindre l'enenement.

En fin, Madame, vous aurez peu voir & entendre par ce discours ce qui est aduenu de plus insigne & memorable en ces deux armees, que ie vous ay voulu representer sans dissimulation & artifice, m'estat essorcé de le voir à l'œil, & pouvoir de presence m'en rendre moy-mesme instruict, pour nuémens

N iij

& à la verité dresser ce petit traitié, sans y auoir vsé d'aucun sard, ny auantagé par passion, l'vne des parties plus que l'autre: & rien mis en iceluy ( que parcertains endroits, comme il est venu à propos) de ce qui sest passé en l'armee du Roy, qu'il conduisoit en personne: laissant celà à ceux qui estoient sur le lieu, lesquels s'acquitans aussi sidellement, (comme i'ay fait) vostre Majesté pourra bien estre au vray informee de tout ce qui est reüssy durant ceste guerre. Vous suppliant tres-humblement ( Madame) de prendre & receuoir en bonne part ce que ie vous en ossre & enuoye, auec le tres-obeyssant service que i'ay perpetuellement voiié à vostre Majesté.

FIN.











